



風陵文庫
文庫19
F 41
1





南宋雜言詩

F0041-(1)



吾杭自建炎南渡號稱帝都雖偏據規小顧歷七朝百五十餘年間事亦綦蹟矣其載在潛說友咸淳志者視他書較詳猶不無舛漏余嘗欲就世傳單本證其瑕釁而補其缺略別成一編名武林備志炳燭之光力未逮也錢唐沈藥城吳尺鳧陳蔚九符幼魯趙功千厲太鴻趙意林相約為南宋襟事詩大而朝廟宮壺細及閭閻風俗或取諸志乘或取諸稗史或取諸名家詩文集一篇之中或專舉一事或連綴數事網羅散逸鉅細不捐人各成七言絕句百首合七家之作得七百篇焉大抵絢者若霞錦淡者若雲煙領異標新目不暇給而今而後於故都舊事可無舛漏之憾矣乎綜其指歸在補田

副使西湖志之未備洵田氏之功臣也嘗攷漢書藝文志襍家者流蓋出於議官兼儒墨合名法而為言者也張河間亦云小說九百古秘書所掌其流實繁班氏刊之諸家於以見王治之悉貫小道之可觀然則襍事之什豈世之雷同勦說貴耳而賤目者所敢望其厓哉昔劉後村生當南渡時曾取中興以後諸家五七言絕句各選百首而江湖派諸人如姜夔趙蕃師秀徐照之流不在此數以今擬古殆將過之無不及也觀茲集者於事不厭其襍於辭則味其醇庶幾不失諸君立言之旨也夫南書房舊史官查慎行序

國史綜其大綱野史補其缺略然傳聞失實不可盡信則一也如勝國愍帝遺錄載十七年三月甲辰李自成陷昌平州燬十二陵余核之實止昭定二陵西山口天下大師墳乃蒙古僧朱竹垞日下舊聞辨之極明屈翁山謁陵詩至指師為建文君夫有明事其近者也猶難信如此況其遠者乎南宋遺事如亦齋程史放翁老學菴筆記東發日鈔草窗齊東野語之類皆記述詳核近而可據足以取信而行遠茲武林七子抗懷卓犖偉然為儒林藝苑中人於千百年事協志摻遺因事系詩詩各百首其詞淒楚沈寔不堪卒讀而上繫廟廊下逮里閭言外顯垂法戒不當與程史筆記諸書永永傳信於

後世哉抑遺事之最鉅者莫如六陵蘭亭後天章寺前
舊有冬青穴今寺僧滅其蹟為寺地酷烈不下於楊髡
姚江黃耒史嘗作蘭亭尋冬青記七子以闡微發幽為
已任其東渡錢唐一問之乎九沙萬經拜手序

三十里西湖侈說金牛故事一百年南宋爭傳泥馬新
聞業是偏安勢同全盛君臣佚宴樓船則錦幕珠簾士
女駢闐燈市則遺鈿隋珥凌虛有閣澄碧為池花繁靜
樂之堂樂奏載忻之館泉於何冷峰不能飛儼愚叟之
移山類神人之驅石若果舊殊可念頻嘗五嫂之羹奈
何本已都忘徒賽二郎之酒雙勝之連環安在漫誇聚
景延祥一杯之御醞未乾但見埋菟委骨而已嗟乎西
湖實水利之原不專游覽南宋有土崩之漸何事奢華
無數離宮過丘墳而指點難忘勝地對緇帙以尋探揭
奚斯共與纂修田叔永別為輯撰或搜羅之未備或委
屑而不收乃有羣賢用加博採叅百家之說以廣聰明

摘一語之奇而資吟詠筆歌墨舞劇當年鼓吹之歡粉
掠綃籠供此日賡酬之料絕句只廿八字合斗奎列宿
以羅曾全集共七百章開高孝盤遊之生面裨官野史
處處搜餘斷簡殘編時時覓得二三盍各寧嫌坐席之
分八九靡遺具識行都之槩紀天寶之遺事彷彿日下之
舊聞爰補志餘曷可少也嗟乎漢朝陵墓晉代衣冠松
栢薪摧梧桐葉落以竹枝之逸韻為黍離之變風極南
宋所不堪與西湖兮何涉獨是一泓碧水有情亦老之
天四壁青山回首可憐之地誰能遣此尚忍言哉章藻
功序

凡例

一此編作者七人詩皆百首其間採摭故實各不相侔
然或諸書紀載錯出亦可取以互證若書名雖別事
跡則同者斯無取焉

一此編為補田副使西湖志志餘而作凡田志所有則
避之或同一事而田志所錄未詳廣為蒐羅用資博
覽其中或有牴牾隨事考訂非敢翻駁前賢亦述田
先生未竟之志也

一杭郡古稱名區前人著述甚多此則以南宋百五十
年事跡為斷其外不復闡入然於南宋有可發明者
間亦採取亦有古今地理不同於杭郡維系者雖南

宋以上之書亦備參閱

一南宋事跡綦繁無係行都者槩不入咏故上自宮廟省寺下逮瓦市坊隅人物土風山川園囿以及職貢聘問之紛蕃學校科名之盛美圖史金石之流傳禽魚卉木之浩侈士女伎樂之嬉遊器玩服御之精麗仙梵方技鬼怪夢囈之誕幻鬼瑣甄綜掌錄略云備矣若夫晚季蒼涼感均頑艷庶幾乎風人之旨或不廢焉

一田志於西湖古跡名勝所錄詩古文辭饒於近代故此編綴述南渡諸賢居多所以使遺文之不終蕪沒爾

一繙閱羣書幾及千種其遺佚不傳散見諸書者不敢濫登其目所以核實也至於家傳碑狀通列從朱竹垞太史日下舊聞之例亦志金石家所弗遺爾

一簿錄家先經次史而史類則先正史繼以編年通史襍史此通考例也此編因紀南宋之事故以宋史居首凡係於史家者比類入焉次金次元次通史傳記別是一例地理原附史後并及碑刻皆於杭郡有關係故也經不多載惟南宋人所著或傳刻者間列一二與制度為一類雖非通考舊例此所採擇固不專系於經次類書次說部次書目次書畫次物譜次詩話次題跋次詩文集次選錄彙及二氏九流襍著並

所以志遺聞故與諸簿錄登記者不同博識幸無譏焉

一詩以紀事事即注於下往往合數事以成一詩鱗次分注詳載書名并列總目於首登紀作者姓氏詩僅七百首而隸事幾數千條冀觀者因詩繹注或他日修郡邑志乘者於斯弗棄第辭意未工援據未確索癡指垢願俟君子

余往來錢唐久心愛湖山之勝每輕輿小舫興至輒游旗亭酒旆禪榻龕燈幾許低徊雖數十年歷歷在懷抱間勝地之引人若是哉今年從吾友尺鳧問交於功千意林兄弟因得讀諸君所倡和南宋禱事詩凡百五十年之事一一釋其顛末遐搜冥索析考而滙編之如散珠在盤貫繫於絲繩之上可舉指而便覽焉其有功於茲土亦甚鉅矣余足跡半天下每遇邦之士大夫未有弗樂道其風土者欲求其望古遙集如諸君者恡乎微已清澗白長庚

細數南朝事於今五百年江山猶故舊花月尚新鮮漢上題襟句東吳理釣篇古今紛倡和那得似羣賢江都

程夢星

千古茫茫白駒頃賴有筆墨留餘影歷數興亡何代無
行都此地饒風景七朝一百五十年江柳山花絕可憐
南內樓臺悲牧馬西陵風雨聽啼鵲其間多少繁華事
淒涼指出傷心地宮庭典禮雅堪傳委巷叢譚猶可記
臨安舊志有咸淳周老密吳生自亦具陳後來田志多
舛漏誰翻舊事作新聞武林才子何奇矯千卷冥搜非
草草七人七絕七百章訂繆補亡功不小我來湖上步
遲遲春煙秋月憶當時銷沉故國三杯酒零亂南朝一
局棋須知妙句傳圖畫不比閑情賦竹枝一編襍事今
重譜恍惚盤游見歌舞偏安大事重討論更把零星紀

風土如君高唱復微吟世人那識其心苦我是清涼居士
孫每聽話舊便聲吞試看七子蒼涼句一句能銷一
縷冤吳興韓雲

昔南宋孝宗朝京尹周宗曾撰乾道臨安志十五卷書
已散亡其目僅存於馬氏文獻通考後咸淳間京尹潛
說友續撰郡志通一百卷雖後來之紀述周詳然不可
謂無所本也余又從通考見有西湖古蹟事實一編乃
紹興中錢唐進士傅牧所著其體增廣楊蟠百詠凡一
百八十三目今其書久寂無聞古來載籍散亡皆因後
人無與流傳遂使遺聞放失閱久而有識者起求其考
究已藐不可得嗟乎古人何尤斯今人之不幸乎諸君

賦南宋雜事詩前以述古人後以啟來者此吾鄉之文獻也詩云乎哉胥山柴世堂

錢家宮殿趙家陵轉眼餘華感廢興不有才人追七子誰將詩史續千燈白蘇往蹟隨波逝楊郭遺編踵事增

宋人楊公濟郭功父皆有西湖百咏懷古摅奇頻歎息幾多名勝屬山僧

蒼山碧水思無窮今昔池臺了不同蟋蟀感秋陰敗砌狐狸乘月矚離宮西陵車馬青松下南渡冠裳白堦中

手把此編和淚讀斜陽衰草自悲風石倉吳允嘉回首西泠十二橋雨花風葉恨蕭蕭前身盡是江湖客

重別殘燈話七朝歛程鳴杭地襟江帶海即禹貢揚州之域前此載籍未詳至唐

以來始稱佳麗有宋紹興肇建行都依鳳凰山為大內而以西湖為觀遊之地一時制畫規模悉與東京相埒迨世易時移所謂故宮遺址祇荒煙蔓艸動人悲涼而已余曩時亦嘗憑弔託為詩訝然止言其大槩今讀南宋雜事詩鉅細畢該皆史乘所未備不特其詩華妙絕倫而後之留心往事者亦藉以有考顧余老且病未得與諸君角遂研北為可恨耳東亭張奕光

乾坤恨幾許那得江花吟恨賦依約湖山翠嫵蚤鳳去西陵鶻催南渡宮斜夜語歎舊情多未曾譜千年後澹霞怨臉看煞柳枝舞淒楚重聽霓羽有七子鄴中才侶珊瑚滄海網取盡硯泉黎雲牋啼蘭露水光翻野樹

自怕近花光小住

余家湖上近宋聚景園舊有花光亭

披衣起華胥一夢正在

鳥啼處右調霓裳中序第一紫山徐逢吉

西湖當山水之區南宋尚繁華之習迢迢禹迹比屋蟬
連膺周原提封鱗次一隅偏據謂萬年長王之郊半
壁偷安豈億載不遷之土春深樓閣到處雲煙永日郊
原繽紛綺組縱金人之辭漢專事嬉遊任玉馬之朝周
惟耽歡宴瑩臺金屋截薛連雲玉樹珠簾編爛耀日昧
新亭之極目昵此湖山忘故國之傷心戀茲花月迺竟
處堂以燕因之罹網於鴻煙冷空宮咽蕭蕭之暮雨月
淪古榭閃瑟瑟之涼颼烏乎南渡君臣甘忘社稷中原
父老泣望旌旗歎麋鹿之來遊俱為昨夢仍鳳凰之聳

峙知是誰家輦道蒼涼鞠為茂草歌臺閒寂響答梵鈴
古樹婆娑問遺松於何處層厓巖巖尚片石之孤蹲凡
彼舊聞俱經紀載踈花病葉雖前事之增悽賸水殘山
悵遺編之未備淵雲墨妙爰綴碎金劉白詞妍各飛片
玉愴離宮之三十六所綜舊紀於百五十年作者七人
無嫌盡各詩皆百詠為補遺比較記室之名篇彼多挂
漏擬津陽之舊注此更淹通同里汪燴

宋社既屋南渡事蹟俱湮其襍見於志乘紀載諸書者
悉零槁了屑缺而未備予本鄞人僑居是地屢欲蒐討
勒成一編而遺文放失秘籍莫窺無已而闕而借人掌
題舌舐迄今數易寒暑尚未卒橐蓋然糠擁絮既苦寒

瘠抗塵走俗又嗟鞅掌挾幽隱而窮浩博非獨力有所
難兼境有以奪之洵非誣也迺小山藏書充櫛負櫪而
諸君能於琴誦酒坐之餘讀破萬卷復取其有係於南
渡以來諸書凡如千種一一取而寓諸篇章攝徂影於
既往傳散佚於後來讀之皆山川風土俯仰裴回之感
以賦竹枝楊柳因裨世教所云虛車輪轅飾而弗庸者
不大有間耶昔杜陵以詩為史袁宏左思以史為詩若
諸君可謂能兼之者自惟淺陋不獲與擊戛筆硯間而
深喜聞見之可資於纂述也因識數語於簡端玉几山
人陳撰

吾鄉田氏父子在明時擅淹貫之目僉事公嘗同五嶽

山人徧游武林諸山誤西湖游覽志及志餘觀者驚其
繁衍無敢異議至朱竹垞先生著詩話始有挂一漏十
之誚而比來耆舊凋疎承學之士不暇深究亦莫知竹
垞先生之說為何如也同學諸君恥之以南宋關於西
湖甚鉅各為詩以續志闕如欽宗祔廟而志云不祀度
宗為理宗姪而志云同母弟淵聖梓宮金人未經奉還
而志云楊髡發欽陵只鐙檠一枝有美堂在吳山而志
云在鳳凰山蘇小墓在嘉興而志云在西泠橋富景園
在百花池上巷而志云白花蛇散巷潮鳴寺高宗書東
坡詩而志云御製三茆觀賜牛鼎本劉宋孝建物而志
云漢建元鼎陸放翁過聚景園詩而志云玉津園白堦

有二而志以鎮南塢為白塢裏湖堤本白沙堤而志云
白公堤此訂譌之最大者也德壽宮在望僊橋而志失
載四地分榜額張功父園在南湖而志失載桂隱百果
諸池館名寶奎寺在石龜巷而志失載見滄閣張循王
府在清河坊而志失載喬木亭楊和王府在癸辛街而
志失載流觴曲水之勝他若睦親坊志失載陳宗之故
居九里松志失載俞商卿故居蒲橋志失載楊萬里寓
居白龜池志失載朱少章寓居靈芝寺志失載朱文公
寓居李博士橋志失載李性傳寓居清湖橋志失載杜
仲高寓居水磨頭志失載姜白石寓居長橋志失載鄭
起水南半隱七寶山志失載王仲言寓居西馬塢志失

載宋伯仁寓居吳山志失載廉宣仲寓居此補亡之大
者也讀之雙眸豁然經行處輒興攷古之思惜竹垞先
生已歸道山不及見諸君之作為僉事公一洒前說耳
同里金司農

絕句體有咏史論古事也有竹枝紀風土也有宮詞叙
禁掖也是編眾裁萃焉其間警句屬對則有堤上風開
及第柳山中春到狀元花別拋柘彈驅鴉地高級金鈴
放鴿天太落花總入南園去越果新從項里來國事已
荒藍貌鬼南人惟恃黑灰團息在昔曾聞呼冷盞至今
惟見說韓梨功紅頰香狹梳鵝角青鬢嬌女蒺牙魚柳
堤紅舫宣魚戶煖殿春燈點蟹胥林巧綴則有醫身醫

國皆司命星陷無如奴僕宮讖語何須憂鼎折元勳一
 代在春秋藥城岳家昔與張家並今日韓家有賜田江上
 竹光方快飲庭前何惜碎生菱功墻西措大窮寒甚只
 讀江東陸氏書儒官諱道天飛電祭酒應為捕酒來鴻太
 縱有迎康天賜兆都緣貴相產重瞳林意幽艷則有綠荷
 障子臨秋水一穗疎花上草蟲魯幼趙家小景佳山水畫
 上春衣雪色綾金錢買得秋多少秋傷玉人雲鬢來鴻太
 樓中妝點嬌兒女荷葉新裁半臂紗手把輕羅還絮語
 每逢三月病懨懨盡深閨兒女淚玉釵何處寄相思
 林意啼痕染就紅心草誰葬金釵葛嶺東賦地上天宮春
 九莫牡丹新插馬頭籃胎僊尚與鳴臯字故遣荒亭塑

鶴樓千功悲楚則有淒涼望斷中天路朔雪橫空雁影稀
 十景亭邊春事散風光老去舊樓臺寶宮已建容車出
 萬國齊簪白柰花藥城誰知天上春生曲流入金涼總淚
 垂遷客墨痕蕭寺壁相逢生怕唱杭州九明月夜寒彈
 怨語琵琶聲咽故宮秋林意木波不斷幽人怨梧葉聲中
 蟋蟀燈尺淒涼老抱東都感猶譜金人捧露盤魯幼檀板
 一聲雙淚落無人知是李師師太鴻歌斷紅兜楊鐵史柳
 絲風漾不勝春忍聽笛吹南來怨三十六宮秋草寒千功
 鉅麗則有一尺繡茵塵不動退朝禹步寂無聲瓜果進
 來消永日宮官小殿講中庸藥城潮沙築得孑如席五輅
 新從大禮來魯幼內門唱徹連珠諾珂繖搖心促那行千功

因有宵衣難晝錦白麻紅燭救摛文鴻太嚴正則有聞說
 相公多睡語休將心學誤蒼生城藥可知故鬼依新鬼祗
 室前頭已奉安不計本根江乘壘空教保護劔門山尺
 芙蓉玉貌描添綫休遣君王怒淨師太名孫死節留餘
 羨難洗當初老鳳姦九風趣則有不信香山老尊宿玉
 顏花貌坐蓮臺從今閣下乘龍背莫解金刀與別人尺
 一盞鶴飛消渴露軟屏風底笑夫人林意冷虛無新拜
 號太師竹倚一枝紅郎君可是無金屋畫取湖山近卧
 牀太東風過了花飛盡不及銷魂有粉兒九不道東風
 花有主空教分帖野猫家千功雄壯則有笳鼓滿城馳鐵
 騎伯顏江上看潮回城藥巫師但擊靈鼉鼓更有何人賦

大招尺白骨難為補天石太行久已不能山九如畫則
 有劈開礮石尋微徑窗外江光一抹間太築得團蕉香
 裏住野橋支杖一僧來桃花數萬隨流去恍在武陵源
 上頭千功幾處桑麻村舍外漁姑多住藕花洲林意柳絲高
 颭紅旗小蘭棹平移妓樂來城藥昔唐人有選句圖余特
 標出與覽者共之趙殿成

恭引

聖祖仁皇帝御定書目

御選淵鑿古文

御定淵鑿類函

御選四朝詩

御選四朝詞

御定書畫譜

御定廣羣芳譜

御定佩文韻府

南宋禠事詩引用書目

宋史 脫脫等

宋史新編 柯維騏

宋史紀事本末 張溥

續資治通鑑長編 李燾

三朝北盟會編 徐夢莘

中興小曆 熊克

中興繫年錄 李心傳

建炎以來朝野禠記 李心傳

續宋中興編年資治通鑑 劉時舉

宋季三朝政要

東都事略 王偁

宣政禠錄 江萬里

靖康朝野僉言 汪藻

靖康傳信錄 李綱

靖康小雅

孤臣泣血錄 丁特起

北狩見聞錄 曹勛

南燼紀聞 周煇

竊憤錄 辛棄疾

南渡錄

建炎航海記 李正民

建炎復辟記

中興聖政

中興遺史

思陵錄 周必大

弔伐錄

乾淳起居注 周密

乾淳歲時記 周密

淳熙玉堂雜記 周必大

孝宗儉德記

孝宗聖德事蹟 張闡

四朝聞見錄 葉紹翁

三朝野史

朝野遺紀

鞠堂野史 林希

松漠紀聞 洪皓

北轅錄 周輝

攬轡錄 范成大

燕翼貽謀錄 王栻

宋詔令

宋會要 范師道

玉牒初草 劉克莊

麟臺故事 程俱

帝學 范祖禹

奎章錄

東宮備覽 陳模

朝野類要 趙升

宰輔編年錄 徐自明

李忠定奏議 李綱

趙忠簡奏議 趙鼎

張忠獻奏議 張浚

韓忠武奏議 韓世忠

胡忠簡奏議 胡銓

玉山表奏 汪應辰

張忠定奏議 張燾

王忠文奏議 王十朋

周益公奏議 周必大

萬言書 劉黻

萬言書 吳仲

上寧宗皇帝書 華岳

趙丞相行狀 趙崇憲

韓蘄王神道碑 趙雄

張魏公行狀 朱文公

岳忠武遺事

岳侯傳

李忠勇公神道碑

金陀粹編續編 岳珂

王佐墓誌 陸游

王庶家傳

周益公年譜

南宋相眼 吳震

文丞相傳 龔開

文信公傳 劉岳申

陸君實傳 龔開

登西臺慟哭記 謝翱

心史 鄭思肖

宋遺民錄 程敏政

紹興十八年同季錄

寶祐四季登科錄

契丹國志 葉隆禮

金史 脫脫等

大金國志 宇文懋昭

大金集禮

歸潛志 劉祁

金小史 楊循吉

金國南遷錄 張師顏

劉豫事蹟

元史 脫脫等

元秘書志 王士點 商企翁

庚申帝史外聞見錄 權衡

大事記 呂祖謙

何氏備史

通鑑博論 明寧王

續資治通鑑 王宗沐

宋元通鑑 薛應旂

通鑑輯略 朱濂

史纂左編 唐順之

史緯 陳允錫

函史 鄧元錫

弘簡錄 邵經邦

弘道錄 邵經邦

稗史 仇遠

外史

逸民史 陳繼儒

古今彞語 汪應蛟

吳越世家疑辯 馬蓋臣

錢氏私誌 錢世昭

宋名臣言行錄 李幼武

列代臣鑒 明宣宗御製

臣鑒 蔣伊

分省人物考 過庭訓

兩浙名賢錄 徐象梅

謚法通考 王圻

萬姓統譜 凌迪知

經世奇謀 俞琳

十國春秋註 吳任臣

武林耆舊傳 吳允嘉

元和郡縣志 李吉甫

太平寰宇記 樂史

元豐九域志 王存

輿地廣記 歐陽忞

輿地紀勝 王象之

方輿勝覽 祝穆

明一統志 李賢等

寰宇通志 陳循等

寰宇分合志 徐樞

地理指掌圖 桂萼

名勝志 曹學佺

吳越備史 范炯 林禹

東京夢華錄 孟元老

艮岳記 張湜

咸淳臨安志 潛說友

行都紀事 陳晦

夢梁錄 吳自牧

武林舊事 周密

都城紀勝 耐得翁

古杭襍記 李有

古杭夢遊錄

南宋故都宮殿記

南宋行宮考 陳隨應

南宋行宮考 徐一夔

禁扁 王士點

武林市肆記 周密

湖山勝槩 周密

武林遺事 吳樂間

浙江通志 薛應旂

浙江通志 趙士麟

成化杭州府志 夏時正

萬曆杭州府志 陳善

杭州府志 馬如龍

錢唐縣志 聶心湯

錢唐鈔志 吳農祥

錢唐縣志 魏嶸

仁和縣志 趙世安

西湖志 章之采

武林梵志 吳之鯨

西溪梵隱志 吳本泰

靈隱寺舊志 白珩

靈隱寺志 孫治

靈隱遺事

雲棲寺志 釋株宏

淨慈寺志 釋大整

天竺寺志 釋廣賓

永興寺志 黃汝亨

湖壩襍記 陸雲士

潮蹟 朱中有

浙江潮候圖說 宣昭

見潮論 楊魁

海塘記 黃光昇

名山記 都穆

游名山記 何鏜

名園記

會稽志 施宿

會稽續志 張漢

新定續志 錢可則

淳熙三山志 梁克家

景定建康志 周應合

入越記 呂祖謙

入蜀記 陸游

續成都記 王剛中

益部資談 何宇度

洪武蘇州府志 盧熊

正德姑蘇志 王鏊

毘陵志 朱昱

榕城三山記

古括遺芳 鄭宣

吳興掌故 徐獻忠

湖州府志 程暈

湖錄 鄭元慶

紹興府志 張元忬
孫鑛

湯陰縣志

全遼志 王祥
畢恭
寺

金山志 楊循吉

武彝山記 劉夔

西湖放生池碑 王隨

興福禪院碑 周邛

廣壽慧雲寺碑 史浩

金龍山聖蹟碑 陳繼儒

報國禪院碑 錢受益

潮鳴寺碑 孫本

紹興煙霞洞題名 朱希正

熙寧石屋題名 陳襄等

咸淳石屋題名 賈似道等

咸淳龍泓洞題名 賈似道等

三茅觀摩崖牒文

周易經傳集解 林黃中

禮記集說 衛湜

皇祐新樂圖記 阮逸

韓李論語筆解

二程全書 康紹宗

朱子語錄 黃榦等

家山圖書 朱文公

朱子語類 黎靖德

演繁露 程大昌

月令廣義 馮應京

通雅 方以智

東南防守利便 陳克

神機制敵太白陰經

補漢兵志 錢文子

寶祐會天曆 荆執禮等

類要 晏殊

通志略 鄭樵

玉海 王應麟

文獻通考 馬端臨

續文獻通考 王圻

黃氏日鈔 黃震

山堂考索 章如愚

六帖補 楊伯崑

古今事文類聚 祝穆

分門瑣碎錄 溫革

合璧事類 謝維新

天中記 陳耀文

山堂肆考 彭大翼

經濟類編 馮琦

詞林海錯 夏樹芳

彝門廣牘 周履靖

歸田錄 歐陽修

鐵圍山叢談 蔡絛

夢溪筆談 沈括

清夜錄 沈括

續清夜錄 王銍

秀水閑居錄 朱勝非

倚覺寮襟鈔 朱翌

西溪叢語 姚寬

姚氏殘語 姚寬

碧鷄漫志 王灼

曲洧舊聞 朱弁

避暑錄話 葉夢得

軒渠錄 呂居仁

可談 朱或

鷄肋編 莊綽

袖中錦 太平老人

容齋隨筆 洪邁

夸堅志 洪邁

夸堅別志 王質

紹陶錄 王質

汝陰餘話

雲麓漫鈔 趙彥衛

識遺 羅璧

林泉野記

二老堂襟志 周公大

同話錄 曾三異

寓簡 沈作喆

經鉏堂襟志 倪思

北窗炙輿 施彥執

揮麈錄 王明清

玉照新志 王明清

東家襟記 孔傳

鶴林玉露 羅大經

春渚紀聞 何蓬

腳氣集 車清臣

能改齋漫錄 吳曾

程史 岳珂

媿鄰錄 岳珂

冑縻錄 趙叔向

拊掌錄 元懷

鼠璞 戴埴

深雪偶談 方岳

梁溪漫志 費昶

隨隱漫錄 陳晦

清波襟志 周輝

清波別志 周輝

老學菴筆記 陸游

野客叢書 王楙

貴耳錄 張端義

昨夢錄 康譽之

游宦紀聞 張世南

坦齋通編 邢凱

螢雪叢說 俞成

三柳軒襟識 程棨

搜采異聞錄 永亨

睽車志 郭象

林下偶談 荆溪吳氏

清夜錄 俞文豹

賓退錄 趙與時

白懶髓 張仲文

蘆浦筆記 劉昌詩

坦齋筆衡 邢凱

山家清事 林洪

行營襟錄 趙葵

閒窗括異志 魯應龍

異聞總錄

小學紺珠 王應麟

吹劍錄 俞文豹

話腴 陳郁

養痾湯筆 趙潛

却掃編 徐度

楓窗小牘 袁聚

韋居聽輿 陳直

萬柳溪邊舊話 尤玘

困學紀聞 王應麟

南窗紀談

佩韋齋輯聞 俞德鄰

江行襟錄 廖瑩中

癸辛雜志 周密

志雅堂襟鈔 周密

豹隱紀談 周遵道

東齋紀事 許觀

嬾正子 馬永清

葦航紀談 蔣津

船窗夜話 顧文薦

自號錄 徐光溥

須溪記鈔 劉辰翁

悅生堂隨鈔 賈似道

齊東野語 周密

浩然齋視聽鈔 周密

愛日齋叢鈔

耆舊續聞

至正直記 孔行素

江湖紀聞 郭霄鳳

遂昌襍錄 鄭元祐

草木子 葉子奇

山房隨筆 蔣子正

鄉媛記 伊席夫

湖海新聞

兩鈔摘腴 史浩

雪履齋筆記 郭翼

清溪暇筆 姚福

續考堅志 元好問

解醒語 李材

東園友聞

樂郊私語 姚桐壽

輟耕錄 陶宗儀

佩楚軒客談 戚補之

研北襍志 陸友仁

書齋夜話 俞琰

雪舟脞語 王仲暉

霏雪錄 銜續

水東日記 葉盛

雙槐歲鈔 黃瑜

昨非菴日纂 鄭暄

聽雨紀談 都穆

春風堂隨筆 陸深

丹鉛總錄 楊慎

藝林伐山 楊慎

談輅 張鳳翼

夢占類考 張鳳翼

瑯琊代醉編 張鼎思

七修續彙 郎瑛

林下清錄 沈仕

瑯琊湯鈔 文林

餘冬序錄 何孟春

兩山墨談 陳霆

玉堂湯筆 陸深

升菴外集 楊慎

綠雪亭襍言 敖英

風月堂襍識

少室山房筆叢 胡應麟

七修類彙 郎瑛

文長別記 徐渭

鞠坡叢語 單宇

學圃憲蘇陳耀文

兩航襟錄馮時可

戒菴湯筆李調

南歸日記蕭士璋

焦氏說楛焦周

玉芝堂談薈徐應秋

江湖襟記

洄詞筆記襟鈔崔銑

甘露園短書陳汝錡

五雜俎謝肇淛

說纂

穀城山房筆塵于慎行

暖姝白筆徐克

近峰文略皇甫庸

羣談採餘

已瘡編劉玉

金壘子陳絳

翰墨叢記

宙合編林兆珂

見只編姚士彝

說略顧起元

雲谷臥餘張習孔

堯山堂外紀蔣一葵

留青日札田藝衡

丘陵學山王完

寶顏堂筆記陳繼儒

辟寒陳繼儒

丘氏遺珠

枕中十書李贄

簞齋雜著

彙書二編來集之

六研齋筆記李日華

湧幢小品朱國正

農田餘話長谷逸正

雲邁淡墨木增

偃曝談餘陳繼儒

太平清話陳繼儒

萬曆野獲編沈德符

宋稗類鈔潘永因

正藏書李贄

樵書來集之

槎菴小乘來斯行

紫桃軒襟綴李日華

珍珠船陳繼儒

揮塵新談 王兆雲

韻石齋筆談 姜紹書

文園湯語 程希堯

楮記室 潘頊

導生八牋 高濂

小窗自記 吳從先

湘烟錄 凌義渠

墨憨齋笑纂

語林 何良俊

警心錄

籐陰劄記 孫承澤

通考纂略 柴紹炳

溟書 毛先舒

改蟲齋襍疏 高層雲

香祖筆記 王阮亭

居易錄 王阮亭

天祿識餘 高士奇

日知錄 顧炎武

筠廊偶筆 宋犖

古今女史 趙世杰

近異錄 劉質

崇文總目 歐陽修等

中興館閣錄 陳騷等

中興館閣續錄

宋史藝文志 脫脫等

郡齋讀書志 晁公武

讀書後志 晁公武

讀書續志 趙希弁

書錄解題 陳振孫

遂初堂書目 尤袤

文淵閣書目 楊士奇等

內閣書目 林大山等

西亭萬卷樓書目 朱氏

國史經籍志 焦竑

策竹堂書目 葉盛

天一閣書目 范欽

世學樓書目 鈕氏

古林書目 曹溶

澹生堂書目 祁承勳

絳雲樓書目 錢謙益

讀書敏求記 錢曾

傳是樓書目 徐乾學

曝書亭書目 朱彝尊

道古樓書目 馬思贊

書史 米芾

金壺記 釋適之

翰墨志 宋高宗

淳熙奇字訓釋

向氏圖畫記

畫繼 鄧椿

續書譜 姜夔

書苑菁華 陳思

雲煙過眼錄 周密

學古編 吾丘衍

畫鑒 湯垕

書史會要 陶宗儀

書法通釋 張紳

圖繪寶鑑 夏文彥

續圖繪寶鑑 韓昂

墨池編 朱長文

鐵網珊瑚 朱存理

鐵網珊瑚 都穆

珊瑚網 汪砢玉

清河書畫舫 張丑

正蹟實錄 張丑

王氏畫苑 王弇州

王氏書苑 王弇州

古今法書苑 王弇州

淡圃畫品 王世懋

嚴氏書畫記 文嘉

畫法年紀 郭澧

鬱岡齋筆麈 王宇泰

文湖州竹派 釋蓮儒

妮古錄 陳繼儒

續畫史會要 金賚

東圖元覽 詹景鳳

書系 唐大章

書畫眼 董其昌

格古要論 曹昭

書畫題跋記 郁逢慶

續書畫題跋記 曹溶

書畫彙考 卞永譽

江邨銷夏錄 高士奇

金石錄 趙明誠

石鼓文辯 程大昌

石刻鋪叙 曾惇

紹興古器評 張掄

寶刻叢編 陳思

歷代鍾鼎彝器款識法帖

薛尚功

蘭亭考 桑世昌

蘭亭博論 桑世昌

蘭亭續考 俞松

蘭亭記

名蹟錄 朱珪

元牘記 歐時泰

天下金石志 于齊正

法帖補系 曹士冕

金石林時地考 趙均

石蹟記

碑錄

筍譜 贊寧

泉志 洪遵

錢譜 董道

天下名酒記 張能臣

弧矢譜

梅譜 范成大

鞠譜 范成大

硯箋 高似孫

蟹略 高似孫

菌譜 陳仁玉

蟹譜 傅玄

雲林石譜 杜綰

花史 王路

北苑茶錄 熊克

海棠譜 陳思

酒小史 宋伯仁

鞠譜 沈兢

天彭牡丹譜 陸游

帶格 陳晦

打馬圖 李清照

蟋蟀經 賈似道

名馬記 李翰

糖霜譜 王頤

山家清供 林洪

洞天清錄 趙希鵠

全芳備祖 陳景沂

寶貨辨疑

墨史 陸友

蜀錦譜 費著

女紅餘志 女士龍輔

農桑緝要

硯譜

香乘 周嘉胄

名劍記 李承勛

羣芳譜 王象晉

蠶經 黃省曾

裝潢志 周嘉胄

天下鹽法志

玉林詩話 黃冕

茗溪漁隱叢話 胡仔

四六談麈 謝伋

竹坡詩話 周紫芝

二老堂詩話 周必大

韻語陽秋 葛立方

庚溪詩話 西郊野叟

雲莊四六餘話 楊困道

後村詩話 劉克莊

詩話雋永 喻正己

南溪詩話

樂府指迷 張炎

詩人玉屑 魏慶之

詞旨 陸輔之

詩詞餘話 俞焯

蓉塘詩話 姜南

歸田詩話 瞿宗吉

存齋詩話 瞿宗吉

懷麓堂詩話 李東陽

少室山房詩藪 胡應麟

夢蕉詩話 游潛

解頤詩話 自笑道人

雪濤詩評 江盈科

存餘堂詩話 朱承爵

詞苑叢談 徐欽

詞筌 賀裳

容齋題跋

益公題跋

後村題跋

鶴山題跋

放翁題跋

晦菴題跋

帝都賦 葛澧

迎鑿七賦 曹勛

胥濤賦 羅公升

西湖賦 白珽

長慶集 白居易

和靖集 林逋

清獻公集 趙抃

東坡全集 蘇軾

東坡續集

東坡外集

東坡詩註 施宿

東坡詩註 王十朋

東坡詩註 趙葵

西湖百咏 楊蟠

青山集 郭祥正

關博士集 闕注

竹友集 謝邁

梁溪集 李綱

中正德文集 趙鼎

石林建康集 葉夢得

浮溪集 汪藻

師川集 徐俯

松隱集 曹勛

武穆集 岳飛

盧溪集 王庭珪

林泉結契 王質

鴻慶集 孫覿

蠹齋鉛刀編 周孚

龜溪集 沈與求

北山小集 程俱

歸愚集 葛立方

默堂集 陳淵

太倉稊米集 周紫芝

韋齋集 朱松

栴檀集 鄧肅

玉瀾堂集 朱棹

橫浦集 張九成

知稼翁集 黃公度

雪溪集 王銍

香溪集 范浚

平園集 周必大

省齋彙 周必大

梁溪集 尤袤

石湖集 范成大

劍南集 陸游

渭南集 陸游

誠齋集 楊萬里

朝天集 楊萬里

朝天續集 楊萬里

于湖居士集 張孝祥

盤洲集 洪适

野處類稿 洪邁

南軒集 張栻

梅溪集 王十朋

朱文公大全集

艾軒集 林光朝

浪語集 薛季宣

雙溪集 王炎

江湖長翁集 陳造

龍川集 陳亮

勉齋集 黃榦

雪窗小集 張良臣

攻媿集 樓鑰

水心集 葉適

疎寮集 高似孫

龍洲集 劉過

方壺存稿 汪莘

雪坡小稿 羅賓之

玉楮集 岳珂

洛水集 程秘

翠微南征集 華岳

臞翁集 敖陶孫

梅屋吟 鄒登龍

清苑齋集 趙師秀

方泉集 周文璞

北窗稿 余觀復

鞠圃集 高翥

白石道人詩 姜夔

鷗渚微吟 趙崇錡

無懷小集 葛天民

秋江煙草 張弋

靖逸小集 葉紹翁

鶴山集 魏了翁

吾竹小稿 毛翊

雲臥稿 吳汝弋

清獻集 杜範

庸齋小集 沈說

徐清正集 徐鹿卿

石屏集 戴復古

石屏續集 戴復古

雪篷稿 姚鑰

秋崖小稿 方岳

清雋集 鄭震

端平集 周弼

梅屋詩橐 許棊

芸隱倦游橐 施樞

馬蹙橐 宋伯仁

蒙泉詩橐 李壽

學詩初橐 王同祖

東齋小集 陳鑒之

適安葳拙橐 武衍

雪林刪餘 張至龍

皇華曲 鄧林

竹莊小橐 胡仲參

芸居乙橐 陳起

芸隱橫舟橐 施樞

後村集 劉克莊

雪巖吟卷 施樞

靜佳龍尋橐 朱繼芳

學吟 朱南杰

漁溪乙橐 俞桂

斗野橐 張蘊

抱拙小橐 趙希櫟

橘譚詩橐 何應龍

西麓小橐 陳允平

雪磯叢橐 樂雷發

雅林小橐 王琮

在軒集 黃公紹

看雲小集 黃文雷

招山小集 劉僊倫

檜庭吟橐 葛起耕

露香拾橐 黃大受

山存存橐 陳必復

心游摘橐 劉翼

孝詩 林同

翦綃集 李夔

竹所吟橐 徐集孫

勿軒集 熊鈇

須溪集 劉辰翁

癖齋小集 杜海

華谷集 嚴粲

小山集 劉翰

竹溪十一橐 林希逸

端隱吟橐 林尚仁

順適堂吟橐 葉茵

梅花衲 李夔

退安遺橐 吳淵

瓜廬詩 薛師石

潛齋集 何孟桂

佩韋齋集 俞德鄰

文山全集 文天祥

指南錄 文天祥

疊山集 謝枋得

霽山集 林景熙

白石樵唱 林景熙

韶卿集 方鳳

晞髮集 謝翱

水雲集 汪元量

湖山類稿 汪元量

咸淳集 鄭思肖

道州苔衣集 柴望

滄洲集 羅公升

海陵集 周麟之

白玉蟾集 葛長庚

海瓊集 葛長庚

北礪集 居簡

採芝集 斯植

雲泉詩集 水頤

亞愚江淞紀行集句 紹嵩

柳塘集 道璨

敬彙 利登

易安居士集 李清照

寧宗恭聖楊后宮詞

斷腸集 朱叔正

吾汶彙 王炎午

秋澗集 王惲

桐江集 方回

剡源集 戴表元

剡源文鈔 馬思贊選

興觀集 仇遠

山村遺彙 仇遠

湛困集 白珉

仁山集 金履祥

吳文正公全集 吳澄

勿軒集 陳孚

困學齋集 鮮于樞

養蒙集 張伯淳

松雪齋集 趙孟頫

清容集 袁桷

松鄉集 任士林

道園學古錄 虞集

道園遺稿 虞集

翰林珠玉 虞集

柳待制集 柳貫

淵穎集 吳萊

鹿皮子集 陳樵

金臺集 葛邏祿迺賢

傅與礪集 傅若金

禮部集 吳師道

翠寒集 宋无

吟鑿集 宋无

南湖集 貢性之

蛻菴集 張翥

僑吳集 鄭元祐

竹齋集 王冕

秋聲集 黃鎮成

子素集 潘純

余忠宣集 余闕

玉筍集 張憲

鐵崖集 楊廉夫

江月松風集 錢惟善

梧溪集 王逢

玉山璞藁 顧瑛

鄭氏聯璧集

佩玉齋類藁 楊駟

天籟集 白樸

雲林集 倪瓚

鼓枻稿 虞堪

句曲外史集 張雨

霞外集 馬臻

筠溪牧潛集 圓至

蒲室集 大訢

劉誠意集 劉基

犁翁公集 劉基

覆瓿集 劉基

潛溪集 宋濂

芝園集 宋濂

鑿坡集 宋濂

翰苑別集 宋濂

危學士集 危素

清江集 貝瓊

王忠文集 王禕

艸閣集 李暉

嘉禾百咏 張堯同

鳧藻集 高啓

去鳴集 高啓

始豐類稿 徐一夔

春雨集 解縉

自怡集 劉璉

弇州四部稿

節菴集 于謙

徐文長集 徐渭

晚香堂集 陳繼儒

長水集 沈懋孝

牧齋初學集 錢謙益

南雷文定 黃宗羲

陶學士集 陶安

履道集 周砥

半軒集 王行

甫田集 文徵明

篁墩集 程敏政

水天閣集 陶望齡

快雪堂集 馮開之

大江艸堂集 陳衍

自娛齋集 聞啟祥

梅村集 吳偉業

思古堂集 毛先舒

蕊雲集 毛先舒

帶經堂集 王阮亭

得全詞 趙鼎

順菴樂府 康與之

坦菴長短句 趙師俠

惜香樂府 趙長卿

蘆川詞 張元幹

近體樂府 周必大

逃禪詞 楊无咎

嬾窟詞 侯寘

蕭臺公餘詞 姚述堯

曝書亭集 朱彝尊

陳檢討集 陳維崧

清正詞 周邦彥

蓮社詞 張掄

介菴詞 趙彥端

東山樂府 吳激

于湖詞 張孝祥

海野詞 曾覲

書舟雅詞 程垓

東澤綺語債 張輯

稼軒長短句 辛棄疾

歸愚詞 葛立方

和清正詞 方千里

白石詞 姜夔

石屏詞 戴復古

隨如百詠 劉鎮

順受老人詞 吳禮之

竹齋詩餘 黃機

梅溪詞 史達祖

竹山詞 蔣捷

梅厓集 張槃

日湖漁唱 陳允平

玉照堂詞 張鑑

友古詞 蔡伸

龍洲詞 劉過

空同詞 洪咨

月溪集 陳以莊

蒲江詞 盧祖臯

竹屋癡語 高觀國

夢窓四稿 吳文英

芸窗詞 張榘

碧山樂府 王沂孫

梅淵詞 張矩

梅川詞 施岳

江村遺稿 姚雲文

漱玉詞 李清照

格齋四六 王子俊

宋文鑑 呂祖謙

五百名家播芳大全 魏仲賢 葉子實

宋藝圃集 李藁

月泉吟社 吳渭

名賢小集拾遺 陳起

瀛奎律髓 方回

宋詩鈔 吳之振

蕢洲漁笛譜 周密

山中白雲詞 張炎

蛻巖樂府 張翥

臞軒四六

聖宋文選

天地間集 謝翱

谷音 杜本

增廣高僧前後集 陳起

宋詩選

宋十五家詩 陳訐

中州集 元好問

元朝文類 蘇文爵

元音 張中達

雷溪詩選 劉因

乾坤清氣集 偁桓

元詩類選 曾應珪

元詩體要 宋公傳

皇元風雅 孫大雅

西湖竹枝詞 楊廉夫

西湖竹枝續集 徐士俊

湖山詩選 徐懋升

西湖游咏 黃省曾

治世正音 歐陽潘

大明風雅廣選 蕭儼

湖音 方繼學

十二代詩選 曹學佺

皇明文徵 何喬遠

文苑春秋 崔銑

赤城詩選 謝鳴治
黃世顯

列朝詩選 錢謙益

明詩綜 朱彝尊

今詩篋衍集 陳維崧

江左十五子詩

詩林韶濩 顧嗣立

名媛璣囊 池上客

樂府雅詞 曾慥

花菴絕妙詞選 黃昇

絕妙好詞 周密

樂府補題

詞海遺珠 勞堪

詞品 楊慎

花草粹編 陳耀文

草堂詩餘 沈際飛

林下詞選 周銘

詞統 卓珂月

詞綜 朱彝尊

詞律 萬樹

詞譜

指月錄 瞿汝稷

神僊通鑑 劉宇亮

五百羅漢名記

西湖淨社錄

勝蓮社約 虞淳熙

太平惠民和劑局方

正類本草 王繼先

白雲仙人靈艸歌

宣和遺事

汴都平康記 張邦基

藝流供奉志 周密

小字錄 陳思

妝臺記 宇文氏

姬侍類偶 周守忠

陳盼兒傳 李社

金姬別傳 楊儀

青泥蓮花詠 梅鼎祚

荆釵百咏 許浩

雙名志 褚仁獲

堅瓠集 褚仁獲

南宋雜事詩引用書目

南宋雜事詩引用書目補遺

畫禪室隨筆 董其昌

大滌洞天記 鄧牧

竹窗隨筆 釋袞宏

西湖志 夏基

華陽宮紀事 僧祖秀

江漢叢談 陳士元

續松漠紀聞 洪皓

無聲詩 毛良

繪事備考 三星聚

徑山集 宗淨

陶隱居正誥序 高似孫

埤雅廣要 牛衷

清賞錄 包衡

南宋襟事詩總目

沈嘉轍藥城卷第一凡一百首

吳焯尺鳧卷第二凡一百首

陳芝光蔚九卷第三凡一百首

符曾幼魯卷第四凡一百首

趙昱功千卷第五凡一百首

厲鶚太鴻卷第六凡一百首

趙信意林卷第七凡一百首

南宋雜事詩

錢唐沈嘉轍藥城

龍蔥佳氣儷山川南渡開基大寶傳為有文章京樣好

中興畱得幾遺編

宋會要約興元年內政宣示大宋受命中興之寶中興御府藏玉寶十有一曰鎮國神寶二曰受命寶三曰天子之寶四曰天子信寶五曰天子行寶六曰皇帝之寶七曰皇帝信寶八曰皇帝行寶九曰大宋受命之寶十曰定命寶十一曰大宋受命寶中興之寶方輿勝覽餘月香水影之清文章京樣覽雲陣銀山之壯意氣天豪玉海建炎三年胡安國上中興策十四篇紹興二年權邦衡獻中興十議四年汪藻上建炎中興詔旨三十七冊七年林保獻中興龜鑑八卷李昌言進中興要覽十篇九季汪伯彥上建炎中興日曆五卷十二年漢州布衣陳靖獻中興論統淳熙十二年上中興禮書百先是紹興元年稍子書上言政和宣和因革禮渡江後皆失請事加修纂至是書成賜名中興禮書嘉泰二季費士寅等續纂中興禮書八十卷又季綱編建炎中興記三卷張浚進中興備覽四十一篇李壁中興戰功錄叙云中興十二處戰功列於銓法能克撰中興紀事本末一名中興小曆文獻通考梁克家等上中興會要一百卷何異撰中興百官題名五十卷案以上諸目惟

禮書續禮書備職見戰功錄紀事本末會要百官題名並見於文淵閣書目而文淵閣所藏更有中興聖政中興百官年表中興編年備要中興繫年錄中興政要中興大事記內閣書目有施清臣中興三朝聖訓焦氏經籍志有陳均中興編年舉要茶竹堂書目有中興目錄錄雲樓書目有中興繫年要錄大抵中興諸書見於諸簿錄者可考也其不錄者皆佚已惟焦氏所載高宗實錄五百卷孝宗實錄五百卷光宗實錄一百卷寧宗實錄三百卷此據宋史藝文志而列之未必有完書也

炎炎大詔下彤階摩勒青珉兩壁排喜得華恩加上舍

明朝宰相送光齋

古文淵鑑宋高宗幸學手詔朕聞周建外史掌五帝三皇之書漢選諸儒定九流七略之奏文德之盛後世推焉仰惟祖宗開建冊府凡累朝名世之士由是以興而一代致治之原蓋出於此朕嘉與學士大夫共宏斯道乃一新史觀新御榜題肆從望幸之忱以示右文之意嗚呼士習為空言而不為有用之學久矣爾其勉修術業益勵猷為一德一心以共赴亨嘉之會用丕承我祖宗之大訓顧不善歟 暇書亭集宋高宗御書石經紹興十三年知臨安府張璠奉石淳熙四年詔知府趙鼎老建閣於太學題曰光堯石經之閣元時楊璉正加蓋白塔於行宮故址取石壘檣杭州路廉訪經歷申屠致遠力持不可已損其什一明嘗熟吳訥與州宋廷佐先後按浙或覆之廊或秘之以氣融宗正末廊地故

諸碑中左易一書六詩十有二禮向有學記終解中庸備行大學五篇今惟中庸片石存爾其南則理宗大書御製表序四碑右則春秋左氏傳四十八碑闕其首卷通計八十七碑非足本矣秦檜一跋吳炳推碎其詞見學士院中興紀事本末君子無取也 楓窗小牘思陵以萬幾之暇御書六經論語史記列傳刊石立於太學 王宗沐續資治通鑑紹興十三年作太學以岳飛宅為之在前洋街 宋史紹興十三年七月

國學大成殿告成奉安廟像明年二月國子司業高闕請幸學上從之帝遂作先聖及七十二子贊冠以序文親麗衣翰揭之大成殿上二十六年石刻於國子監淳熙四年孝宗幸太學嘉泰三年寧宗幸太學淳祐元年理宗幸太學咸淳三年度宗幸太學 朝野雜記太學養士殿成於崇光間紹興中詔以七百人為額上舍生三十員內舍生百員外舍生百七十員每三年科場場舉四人而一若即行校藝而升上者則不待選舉而徑釋褐焉 癸子集識太學先達歸齋各有光齋之禮宰執則送純金碗一隻狀元送鍍金魁星杯一兩副潛帥新除各齋有十八界送一百千酒十尊又與字規解者闕暇重者前廊闕暇又重則遷齋

百寮印信久無存遺得龍章守子孫三百餘季十五押

誰知制誥代天言

朱子語錄南渡後印信散失諸司往往借用舊印有以不便請者又因費重而止或問朱子奏狀借用縣印否曰豈惟縣印尉印亦可借嘗見

大清樓本無完字匱紙撫來已再傳不愛女官元祐腳
墨皇新搨結興季

書史往見藏蘇者家蘭亭懷字內折筆抹筆皆轉側偏而見鋒
法帖譜系舊見大清樓帖自開禧以後有權場中來者已磨去亮字
無右邊轉脚蓋避金亮諱也 清河書畫高宗本效黃庭堅書後
以偽豫遣能庭堅書者為間遂改從右軍 又法帖譜系南宋紹興
中以御府所藏淳化舊帖刻板實之國子監稱紹興國子監本其首尾
與淳化閣本略無少異御府拓者多用匱紙蓋打金銀箔者也字畫精
神極有可觀淳熙修內司本淳熙奉旨刻石禁中卷帙規模悉同淳
化閣本而卷尾乃楷書題云淳熙十二年乙巳歲二月十五日修內司
恭奉聖旨模勒上石 淳熙奇字訓釋云撫與模同 墨皇出米芾
寶晉英光集詩

築室南班傍帝畿 僊源家寶已芳菲 淒涼望斷中天路
朔雪橫空雁影稀

愧鄧錄嘗考典故祖宗祖免親以上備環衛冠屬籍謂之南班 通志
略有本朝仙源積慶圖一卷 宋史不意嗣濮王宗暉曾孫也考宗
嘉其忠諒飲之酒顧太子曰此賢家寶也又史浩等上三祖下第六世
仙源類譜仁宗玉牒 朝野僉記故事玉牒以首相領之紹興十六

年初復玉牒所以秦會之提舉又宗正寺仙源類譜止有數者三祖以下
合二萬一千六十有六人靖康以來隔異域者遂為排連而已又宗室為
狀元者乾道初汝愚中宏辭科者淳熙初彥中中宏子科者慶元中宏
三季六月已拜崇禎六能誦六經免文解云 譚軫宋理宗寶祐四年
登科錄凡五甲共六百一人其中自玉牒者第一甲二人第二甲二人第三甲
十八人第四甲五十一人獨未有在第五甲者可見宋室待宗藩之禮 經
世奇謀留過僧者碭山人也金人見之曰全似趙家少帝遇僧竊喜紹興
十季三京路通詔求宗室遇僧自言少帝第二子守臣遣赴行在乃詔勅
治遇僧服罪後有自此至者曰淵聖小大王訓見居五國城 朝野僉記建炎
五季有自稱徐王棟者聞於朝上遣使逆之既至審驗則富順男子李悖
也遂坐誅有婦人自稱德姬者按驗則婦人易氏也亦杖死上曰吾嘗
受百欺真得一正紹興三季詔皇族有來歸者令州縣驗實以聞

一朝姦細竟南奔 和議終為保舉恩 已見秦家錯摺樣
莫將冠冕付空言

金國南遷錄天會八年諸臣慮宋君臣復讎思有以止之魯王曰惟遣彼
臣先歸使其臣順我佯不從而勉以聽或可以定忠烈王曰惟張孝純
可忠獻王曰此事在我心裏三年矣只有一秦檜可用我喜其人置之
軍中試之以事外雖拒而中常委曲順從而檜始終言南自南北自
北因說許某着手時只依這規模分別今若縱之歸國彼喜慷慨說事
必是得志 宋元通鑑撻懶攻楚州檜與妻王氏自軍中趨連水軍

自言殺金監已者奪舟而來欲赴行在遂航海至越州帝命先見宰執
檜首言欲天下無事須是南自南北自此朝士多疑其與何棟孫傳等
同被拘執而檜獨還又自燕至楚二千八百里踰河越海豈無譏詞之
者安得殺監而南惟范宗尹及李回二人素與檜善盡破羣疑力薦
其忠檜入對首奏所州與檜懶求和書 又翟汝文雖為檜所薦然
性剛不為檜屈至對案相詬目檜為金人姦細故不得久居位 老學
菴筆記秦太師作相時裹頭巾當面偶作一摺謂之太師錯摺樣

簪花書法註劉希金翠輕搖玉腕圍誰說芙蓉江上貌

紅顏一代有危機

談蒼宋宮人有柳金簡翠腕圍是景陽宮胭脂井物註似今之手釧 清
河書畫舫劉夫人字希建炎間嘗主內翰文字及寫宸翰高宗甚眷之
金小史金主亮嘗有圖宋之意曰向者梁說嘗為朕言宋有劉貴
妃天下之絕色也今一舉而兩得之所謂因行掉臂也

集賢臺閣接飛檐九朽還摹土筆尖天慶喜存原粉本

金章曾是弟兄兼

妮古錄趙伯駒與弟伯驥並以畫名世向宗嘗命二人合畫集賢殿稱百
賞與特厚 畫繼畫家於人務必九朽一罷謂先以土筆撲取形似數

次修改故曰九朽繼以淡墨一掃而成故曰一罷罷者畢也 清河書畫
舫按伯驥乃伯駒之兄高宗時嘗奉詔為天慶觀樣命 吳中依樣
造之今京抄觀是也 圖繪寶鑑趙伯駒善畫山水花鳥竹石高宗
極愛之仕至浙西兵馬鈐轄趙伯驥善畫山水人物尤長於花禽點
染輕盈頓有生意仕至觀察使

書法申韓孰並肩鏡歌鼓吹似前賢太常錦瑟還驚訝
律呂而今不再傳

研此襟志趙子固目姜堯章為書家中韓又周公謹云姜堯章鏡歌鼓吹
曲乃步驟魯師尹 宙合編姜堯章上書乞正樂赴太常同官校正樂師上
錦瑟必姜問曰此何樂眾官已有得文之歎又令樂師曰語云鼓瑟希未
聞彈之眾官咸笑而散去 吳興掌故堯章長於音律嘗司著大樂議
欲正廟樂慶元三季詔付奉常有司以掌令太常寺與議大樂時嫉
其能是以不獲盡其所議人大惜之 按姜堯章字堯章有白石詞五卷

野溪亭市列柴門陶戶家家作酒罇縱有龍紋白芡碎

新窰青器已無倫

太平寰宇記杭州亭市山餘石鄉亭市村多陶戶善作大甌瓦今謂之
浙甌瓦 四部彙南宋時處州章生兄弟皆作窰兄所作者視弟色稍白

而斷紋多號白及碎又考古括遺芳稱兄所作為哥窯 裨編渡江後
修內司造青器名內密澄泥為範極其精緻油色瑩徹為世所珍後郊
壇下別立新窯餘如烏泥窯餘杭密績密皆非官密比所謂舊越密不
復見矣 五襍組柴密之外有定汝官哥四種皆宋器也傳流至今者惟
哥密稍易得蓋其質厚頗奈歲耳定汝白如玉難於完璧至宋時宮中所
用率銅鈐其口以是損價 六研齋筆記南宋時餘姚有秘色磁甌撲而
耐久今人率以官密目之不能別白也

絲鞵供御喚莊生雪藕抽鍼瑩緝成一尺繡茵塵不動
退朝禹步寂無聲

老學菴筆記禁中舊有絲鞋局專挑供御絲鞋不知其數嘗見蜀將吳
玘被賜數百緡皆經奉御者壽皇即位惟臨朝服絲鞋退即以羅鞋
易之遂廢此局 夢窗甲 稟瑞鶴 贈絲鞋莊生云藕心抽瑩爾引
翠鍼行處冰花成片金門從迴輦兩玉鳧飛上繡絨塵軟末云待宣
供禹步宸遊退朝燕殿 按莊生蓋當時供奉者

廂庭雖設莫紛拏和氣常生百姓家為報臨安破落戶
東宮昨日坐南街

洛水集城南廂官題名記粵自東幸於今百年錢唐版籍百倍於昔
北二廂設於關外而王方濬居水陸五百人法崇市滋縣訟於廂庭者
率繫縲累日吏屬屢乃得去 兩浙名賢錄趙立夫知臨安府入對理
宗語之曰京師細民當一音摩撫使常在春風和氣中遂放府西建春
和樓推廣德意 咸淳臨安志紹興二十三年上謂大臣曰近今臨安府收
捕破落戶編置外州治本為民間除害而謂小火下者乃為人訴其恐
嚇取錢令有司子細根治務得其宜先是行在號破落戶者巧於通衢
竊取人物故有是命 續資治通鑑建炎三年升杭州府為臨安府 愧
鄰錄乾道七年詔皇太子判臨安府珂案本朝親王為南衙故實自有明
據然則周必大所制詞有所謂肆考南衙之故實一新大尹之多儀及
名稱未正者皆誤也

駐蹕錢唐奈數何風光京洛過江多後門艤得龍舟好
歌舞銷鎔是此鍋

群談採餘陳圖南莫知所出藝祖名之闕問天下始終事對曰汴二杭三
閩四廣再問則曰非臣所知也 青泥蓮花記江浙間路岐女有慧黠知文
墨能於席上指物題咏應命輒成者謂之合生其滑稽合說諷者謂之喬
合生蓋京都遺風也 七修類稿京城中語音好於他郡蓋初皆汴人慮
宋南渡遂家焉故至今與汴音頗相似惟江下人言語躁動為杭人之舊
音教諭張傑嘗戲曰高宗南渡止帶一百過來 按百音擺 近峯聞吟

今人呼誰之語自有本如宋都汴有何家數者其下行債惡濫故呼何數今越人云數頭者當是南渡之遺也 雷青日札劉豫金人入寇高宗親御之趙鼎因喻權留後門之策乃起張浚為閩浙江淮宣撫備退保之地 御選四朝詩高孝璠詩朱簾白舫亂湖光隔岸龍舟艤夕陽今日歡遊復明日便將京洛看錢唐 西湖遊幸記西湖杭人無時而不遊凡締姻實社會親送葬經會獻神無不在焉故杭諺有銷金鍋之號

偏愛黃冠祀紫都為僊為帝總虛無馬遷也強宗元教誰續華陽位業圖

齊東野語女冠吳知古用事內宴演參軍教坊草請簽文書參軍怒曰我方聽感粟請至三四宵前擊其首曰甚事不被感粟壞了又俗呼黃冠為感粟 清河書畫舫宋徽宗為東華帝君高宗為元載孔昇天帝下生 筠溪牧潛集余居臨安有持大板史記列傳以老子為首心甚怪之莫知其本所出問諸博書者亦莫知也因閱國朝會要見宣和間有言升老子於列傳首乃悟所見蓋宣和本今不行也

心事誰知默禱間滿朝敢道相公姦九季伍伯無人識去訪東南何處山

江湖雜記檣既殺武穆向靈隱祈禱有一行者亂言譏檣問其居址僧賦詩有相公問我歸何處家在東南第一山之句檣令隸何立物色立至

宮殿見僧坐法事立問答曰地獄王法檣殺岳飛事數年檣至身荷鐵枷囚首垢面呼告曰傳語夫人東窗事發矣 昨非菴日箕談錢一為皇練因秦檜酷刑責人嘗至死後雖少悔只以流血為度隸乃汚指血在板如是九年忽一日立班中見足離地而起檜呵其為妖隸以前情曰某今日應上日升遂乘雲而去

古牋葉葉染松煙監本猶珍後代傳歐瘦顏肥生態別

宦囊須辦買書錢

朝野雜記監本書局紹興末季所刊也九月張彥實侍制為尚書始請下諸道州學取善本自日籍錄版頒行從之然所取諸書多殘缺故曹監刊六經無禮記正史無漢唐二十一年輔臣復以為言上謂秦益公曰監中缺書亦令次第錄校錄重有所費不惜也由是經籍復全先是王瞻叔為學官常請摹印諸經疏及經典釋文許郡縣以贍學或省係錢各市一本置之於學上許之令士大夫仕於朝者率費紙墨錢千緡而得書於監云 五雜俎書所以貴宋版者不惟點畫無訛亦且箋刻精好若法帖然凡宋刻有肥瘦二種肥者學顏瘦者學歐行款疎密任意不一而字勢皆生動箋古色而極薄不蛀

中興詞翰坐春風科第繽紛出學宮花月千章二百載

詩名終是首文公

癸辛雜志乾淳文淳厚謂之乾淳體端平江萬里自成一家字祐徐霖魁南省尚性理時競趨之以釣科第咸淳末諸人倡為變體謂之換字文章內多用莊列語文獻通考淳熙十四年鄉試得進士王容以下上天姿英明大廷策士多自陞黜不盡由有司是舉王容蓋自第三親擢為榜首時儒生迭興辭章雅正號乾淳體少室山房詩藪大抵南宋古體當推朱元晦近體無出陳去非此外略有三等尤楊四子元和體也徐趙四靈大中體也劉戴諸人自為晚宋而謝朝七言古時有可採焉

雲漢昭回奎宿明巖蒼猶記大蘇名從來國運關文運

莫設文章喫菜羹

庚溪詩話徽宗幸寶錄宮離筵其主疏道流伏地久之方起上詰之答曰值奎宿奉事上問何神對曰本朝臣蘇軾也上大驚萬曆杭州府志東坡蒼在錢唐縣西六里東坡為守時止此後人鑿石為室名曰東坡黃洹詞記事續鈔南宋之文氣浮而詞細靡故國益弱如葉水心之語周平園之湯陳平齋之雜農田餘話宋南渡後文體破碎詩體界弱惟石湖放翁為平正至晦菴諸子始一變時習模仿古作故有神頭鬼面之論老學菴筆記建炎以來尚蘇氏文章學者翕然從之有語曰蘇文熟吃羊肉蘇文生吃菜羹

春衫新翦瑞百羅插座頻宣小妓歌四色饅頭紅白酒

花茶坊裏喚一波

夢梁錄蒸作此行賣四色饅頭薄皮春爾忠孝仁坊口水精紅白燒酒曾經宣喚其味香美入口便消大街有三五家開茶肆樓上專安著妓女名曰花茶坊不奉色業藝專為探聽妓家賓客趕趁唱喏飲宴所在以獻香送歡為由謂之斯波

南瓦邀棚北瓦過繡巾小妓舞婆娑遊人不盡香塵擁

簫鼓開場打野呵

市肆記或有路岐不入勾欄只在要鬧寬闊處做場謂之打野呵又如此瓦羊棚樓等謂之邀棚咸淳臨安志南瓦在清冷橋西有熙春樓北瓦在眾安橋之南亦名下瓦有羊棚樓

明遠高樓夜半鐘書聲蚤已聽潛龍凡塵留得天人像

願淡春風遍九農

剡源集佑聖觀記觀有明遠樓阜陵嘗讀書其中朝野雜記佑聖觀淳熙三年建以奉佑聖正武靈應正君十二月落成或曰正武像蓋肖

上御容也 庚溪詩話孝宗春賦決土高月之流潤將勸功於九農表碧州
妻其帶露游絲飄其曳空丹綠眾芳超遙兮春風春風兮歸來信
於萬之不同 埋葬廣安孝宗母張氏夢崔府君據一羊丁木生孝宗
於秀州名高宗選養宮中賜名瑛適與崔府君同名

難將肥瘦定官家總屬天潢貌似花從此中興開七葉
狸奴偏是判龍蛇

合璧事類給與詔令訪求伯字號七歲以下者十人入宮十人中擇一
肥一瘦番肥而遣瘦未出思陵云更子細觀令二子又手立忽一猫走
前肥者足蹴之上曰此猫偶過何踢之安能勝重耶遂留瘦而遣肥者瘦
者即孝宗也

誰主西湖造化功總相宜咏畫圖中四時分判拈題目
不見蘇公與白公

學吟載有游西湖詩誰主西湖造化功峰分南北境相通四時風物絃歌裏
兩岸人家圖畫中堤柳送迎忘爾汝棹聲來往自西東風波便作恩波
看此樂君王與我同 逃禪詞趙祖丈畫西湖圖名曰總相宜作水龍吟
詞咏之 方輿勝覽見西湖在州西周迴三十里山川秀發四時畫舫遊
遊歌鼓之聲不絕好事者自當命十題有曰平湖秋月蘇堤春曉斷橋殘
雪雷峰落照南屏晚鐘曲院風荷花港觀魚柳浪聞鶯三潭印月兩

星陷無如奴僕宮
堅壁長城募勇功中興想望野人同醫身醫國皆司命

漁隱叢話高宗南渡有稱中興野人題詞吳江橋上有云敵騎長驅三犯
關誰作長城堅壁 四朝聞見錄宣皇有論列秦檜王繼先二人者上曰
檜國之司命繼先朕之司命自此言者遂沮 又高宗自能推步星
命或臣下不能始終仰副聖懷則曰吾奴僕宮星陷也

不問蒼生問鬼神
栢子池邊弱柳新珠簾十二列宮嬪耕夫織婦排香几

楊太后宮詞雲影低涵栢子池秋聲輕度萬年枝 玉海紹興中於潛
令樓璉畫田耕織二圖高宗名對宣示後宮 貴耳錄憲聖在南內愛
神怪幻誕等書郭象擊車志始出洪景虛夷堅志總之

梅粉松黃作湯餅銀鱗青蟹供芳醺冰天不愛花交菜
玉肺朝朝出御廚

山家清供紫雲山人作梅檀香末和麵作餛飩皮厚
一疊用鐵擊碎以海菜樣者擊取之可憐一食不忘西湖 又云大理
寺訪陳秋遊最奇事留飲三五里歌歸去來辭以松黃餅餉酒 又云正
粉油餅芝麻子胡桃時蘿者為木拌和入散蒸熟切作肺樣後
苑名曰御愛玉灌柳以此見九重崇儉不嗜殺之意 蟹略有湖蟹
潮蟹 月令廣義引武林遺事云每年五月富春江上鱖魚最盛數
人捕之移時百里達於城市 戒菴漫筆杭州俗呼黃矮菜為花交
菜不謂諸菜多變成異種俗多南渡遺風賣冰者叫大雪以大雪
收者佳雜菜之麻者叫何何舊姓何者舊此故也

蹴得金爐動地驚旋看鐵墻起佳城九重相與殷勤問
想道卿兒已長成

宋史紀事本末太子屬疾宮人蹴地上金爐有聲驚悸疾轉劇遂不
起初張浚以專嘗為帝位議去之 朝野雜記建康初太子得疾未瘳
有金香爐宮人誤觸之仆地有聲太子應時驚搖不止上命斬宮人於
廡下少頃太子薨年三歲 朝野遺記方伯彥潛善養安之際外傳
北風極勁而汪黃傲然謂無事故上亦不甚慮比江都宮中方有所御幸
而張浚告變者遽至矍然驚惕遂病薰腐故明受殛後二宮皆絕孕
苗劉之變植虛器於前星蓋特二凶狂妄耳春宮未辦庚申而浚在
建業乃建議殞之過矣今明受之殤在鐵墻下父老尚能言蓋嘗

時併乳姬皆指之云 鶴林玉露高宗問張魏公卿兒想甚長成對曰臣
子季十四脫然可語聖人之道

為國掄才費蓋思雖於簡牘亦無遺誰知淪落天街客
三十青錢一首詩

四朝聞見錄趙忠定商確駢儷以為此最不可忽居政地間以此觀人至
尺牘小簡亦然此掄才報國之端也 漁隱叢話仇萬頃未達時挈牌賣
詩每首三十文停筆磨墨罰錢十五

符離一敗盡南奔道士空傳相法明聞說相公多睡語
休將心學誤蒼生

何氏備史張魏公素輕銳喜功好合虛譽符離軍潰國家數十季所積
資械蕩蕩無餘方其甘寢晏然適是心學然當萬眾崩解時一人心法
遽能收拾否 奪堅志張魏公與夫人日齋道人一員有一客曰夫人當
生貴子既見公揖公行數步即呼為相公 齊東野語張魏公出督陞辭
與高宗約曰臣先驅清道約至汴京作上元岳飛聞之曰相公得非睡語
乎 史緯張浚屢奏欲取山東德壽謂孝宗曰母信張浚虛名將來必
誤大計至符離師潰可謂知臣莫若君矣

宮宮小殿講中庸

雞肋編二浙少冰雪紹興壬子車駕在錢唐是冬大寒屢雪水厚數寸
北人遂害歲之燒地作等臨安府委諸縣皆歲明年五月天中節天
適晴暑供奉行宮有司大獲犒賞其後錢唐無水可收時韓世忠在
鎮江率以舟載至行在晝夜牽挽謂之進水船 松漠紀聞西瓜本
出塞外自洪忠宣奉使歸得其種蒔之禁圃鄉圃 石湖集碧蔓凌
霜臥軟沙年來處處食西瓜 桐江集西瓜足解渴割製青瑤膚 詩
林韶漢正德秀宮夏詩午漏遲 遲滴玉壺清陰霽幕幕布庭除日教
底事消長日大與子中庸兩卷書曰

香雲漫與白雲遊千載錢唐豈得休識語何須憂鼎折

元勳一代在春秋

秀水閑居錄趙鼎起於白屋一旦拜相以臨安相府為不足居別起大
堂奇花佳木環植周圍堂之四隅各設大爐為異香數種每坐堂中
則四爐焚香煙氣氤氳合於坐上謂之香雲 山堂詩考金明縣道
士自稱白雲片鶴遊亦見趙鼎大呼曰中興名相他日又遇鼎曰吉陽
相逢後鼎紹興五年為相有重名晚竄吉陽忽見白雲曰憶昔日之言
乎 雞肋編會稽士人有錢唐休者有名於時趙丞相嘗問人處之
方議除擢會邊報誓視奏目中適見其姓名趙不悅曰錢唐遂休乎
因置不用趙引折彥質為樞密其院中奏牘書名相少人有謂之

者謂趙鼎折為不祥乃與錢事相類古今以識語而為禍福者多矣
宋元通鑑辛棄疾帥長沙時士人或訛考試官濶取第十七名春
秋卷棄疾察之信然索亞榜春秋卷兩易之改名則趙鼎也棄疾怒
曰佐國元勳忠簡一人胡為又一趙鼎擲之地 葉趙鼎字元鎮
忠正德文集十卷四字高廟所賜宸翰中語也又得全詞一卷

青絲覆額灑銀鬘寶騎裝鞍繫錦鞍殿隔珠簾宣賜宴

庭開花燭慶同牢

朝野雜記高宗一朝童子求試者三十六人授官者五人萬頃彭興張宗
系朱虎臣劉毅惟虎臣能排陣步射及讀書故補承信郎劉毅以小
校子九歲善騎射故補校尉虎臣又賜金幣孝宗一朝童子求試者七
十四人命官者七人有呂嗣興者四歲能誦書切韻變四聲書八卦上
召見俾面諭詩授右從政郎今侍皇孫榮國公讀誦乾道八年春也又
授王堯勤右從事郎李如圭林洽何耀華油坊郎何致遠將仕郎郭洵
直下州學光宗一朝童子求試者十七人無補官者惟從仕郎吳鋼年
九歲能誦六經語蓋以壽聖親姪孫特改承務郎壬子四月也 談薈
吉水李如圭七歲中童子科孝宗召見與其父隔珠簾賜宴 弘簡錄
能克克家素儉約除起居郎嘗愛臨川童子王克勤之才將妻以女
而克勤資遣會州制獲賜金遂以歸之人稱其介 江漢叢談茶陵譚昭
寶七歲應童子科登第謝啟傳入禁中理宗見而異之

柳絲高颭紅旗小蘭棹平移妓樂來十錦亭邊春市散
風光老去舊樓臺

西湖賦胡冰維百先言御園爰有聚景園經所尊致坤宮之孝養據
雲位以生南來四朝之游幸攬眾遠以平吞南有翠芳蘭棹在焉
接蓬萊宮中吐實慧日於前軒北有玉壺紅鵝尚存去環碧兮百權隔
水月兮一河慶樂有梅關桂林之勝珍禽異獸之繁亭連棟為十錦
碑餘言以千言記南園之絕景扁西湖之洞天此皆始屬於禁籞又不但
嘗錫之侯藩 又云想見進魚羹之宋嫂猶多乘鶴舞之優人翦羅
釘采花之籃靴為穿柳之鱗飾木兵於小桁串家具於修筠柘彈
象弩畫程髮益羅襪凌波全釵照春 鞠澗小集聚景園口號淺
碧池塘連路口澹黃楊柳護檐牙舊時歲歲春風裏長見君王出看
花竹影參差臨斷岸花陰寂寞浸清流遊人難到闌干角盡日垂楊
覆御舟 乾淳歲時記蔣苑使小園花木匝立標竿射梁秋千棧
門 升蕃外集陸放翁詩云秋千旗下一春忙畫工作寒食仕女圖
秋千架作兩繡旗 蒲江詞西湖調寄柳梢青鬪草寒衣溼翠秋千
瞥眼飛紅 晚岩樂府西湖泛舟調多雨云館娃歸蘇臺游鹿銅仙
去漢苑飛螢 西湖賦白珉作

曾聞總服到臨平龍德宮中祭奠誠二帝魂遊沙漠外

何來朽木與燈檠

南史紹興十二年己丑帝易總服奉迎徽宗皇帝及顯肅皇后鄭氏懿節
皇后邢氏梓宮奉安於龍德別宮 雲谷臥錄全遠志云五國城頭有
宋徽宗墓然則和議成而梓宮至臨安蓋以空櫬給宋朝考五國城一名
五國城頭在二萬衛北一千里自此而東分為五國故名距京城三千三
百里 宋元通鑑紹興五年上皇卒於金五國城卒五十四遺言欲歸葬
內地金主不許 朝野雜紀欽宗之喪舉哀於天章閣南以學士院為
几筵殿遂上陵名曰永獻暨乾道中朝廷遣使求陵震地金人許以遷奉且
併歸靖康梓宮朝廷難之金人乃以禮葬於鞏縣云 癸辛雜志楊髡發
徽欽高孝光五帝陵初徽欽葬五國城數遣使祈請於金人欲歸梓宮九
七年而後許高宗親至臨平奉迎易總服寓於龍德別宮至是發二
陵皆空無一物徽陵朽木一段欽陵木燈檠具而已 野獲編欽宗陵
樞無尸止有木燈檠一枚按欽宗柩在北宋高宗不肯歸金世宗以品禮葬
於鞏洛之原柩且不遷定則得燈檠也 譚輅紹興十一年上皇太后章氏
至自金而靖康帝故衣箱也 宋史高宗不歸金世宗以品禮葬
取飯迎之而高宗不歸金世宗以品禮葬 考三朝此盟會
編邢皇后歸至中途上仙 宋史高宗不歸金世宗以品禮葬 考三朝此盟會

回首中原長艸萊金門土稚義疑猜紛紛小腳船中客
爭買西湖黃胖來

蜀南集嵩山京廷卿時掛閣詩莫言無珍麗土雅動金門郵夫善作土
偶是言禁及貴戚家爭以高價取之為玩喪亂阻隅南人不復知此句
遂亦難解 夢梁錄小脚船專載賈客小妓女荒鼓板燒香渡樓
白襪顯迎春黃胖起於湧金門外地有杏花園游人多取其黃土戲捏
為人形爾

家鄉風物嗜鳴蛙聖主頻頒惠愛加寫到坐魚資雅博

市門日日送冬瓜

四朝聞見錄杭人嗜田雞如炙即蛙也憲聖渡南以其酷似人形力贊高
宗申嚴禁止都人習此不能止售者至剗冬瓜以實之實諸食蛙者之
門謂之送冬瓜又黃公度帥閩宿戒庖兵市坐魚三鮒庖兵不曉時林執
善為州學子錄庖人問焉林語以可供田雞三鮒庖兵納入公度笑曰誰
教汝庖以善對黃公遂館林于賓閣云

中興香繞玉堦深瞻笏頻頻用表忱鷓鴣鷺兩行齊拜舞

閣門多是鮑魚音

香乘光宗萬幾之暇留意香品合和奇香號東閣雲頭香其次則中興
復古香 老學菴筆記紀興中朝參止設折筵拜合閣門習使先以

笏叩額拜拜皆然謂之瞻笏亦不知起於何年也 黃耳錄考當時以此
人於閣門充贊唱聲雄如鐘有京洛氣象嘉定來多以明台溫越人聲
皆鮑魚音矣

德壽書名滿市廛一丁猶是賦三千不須更問燈籠錦

翼翼宮旗插糞船

齊東野語德壽宮建房廊於市廛後者不知體凡門闈輒書德壽宮汪應
辰出劉極言之上不憚會德壽宮市燈籠錦不得太上一曰此已得之汪應
辰家物也 宋稗類鈔南渡後浙中賦稅全是橫斂丁錢有至三千五百者
人由此多去計會中使作宮中名字以免稅辛幼安云曾見糞船亦插德
壽宮旗字

蘋蘩亦可助調羹老嫗騎兒御賜名獨坐綸扉兩朝宰

閨中不許號先生

黃氏日鈔賈似道始生之日錢唐郭應酉以詞賀之許頌其母蓋賈之
母朝命封兩國賜號賢壽 蘇軾小童賈似道母胡氏贈秦齊兩國
賢壽詩以叔莊穆夫人論曰系正又秦檜妻王氏自號冲正先生見陸務
觀王佐墓志 朝野遺記秦檜妻王氏素陰險出其夫上 兩浙名

賢錄秦增妻王氏陳乞舊所得恩詔未領者自稱冲正先生王佐為秘書省校書郎駁之曰妾婦安得有此稱向者誤恩今得追正

安前幾樹碧桃花曾駐龍旂耀日華兩岸水聲芳艸路

居民猶話宋官家

西湖百詠年來青鳥碧桃花築室安前即是家玉貌星冠隨絳節即雙成不及魏無瑕 武林梵志高宗南渡議西溪建立行宮因幸西溪相度形勢遂駐蹕於沈氏有沈諸者進食獻茶帝大悅曰西溪且而下後遂相傳為駐馬沈 西溪梵隱志西溪有三橋多植柳濃陰夾道東西兩涯民居臨水花木周廬亦稱花市又安前之名特裝墩董竈並著其義未詳

滿苑奇花擁至尊宛書宸翰代天恩細看御寶新紅沫

猶有香生粉指痕

太平清話四明樓璠繪耕織圖後此圖流傳人間見逐段下有憲聖慈烈皇后題字皇后姓吳配高宗其書絕相似又御前應制多女流也其若為沈姑始演史為張氏宋氏陳氏說終為陸妙靜小說為史惠英隊戲為李于端孃影戲為王潤卿 霏雪錄宋故事社中處分事付外謂之內批又謂之御批皆內夫人代書 雷音日札徑山宋時禹壽禪寺大碑其中一御寶至今如朱砂印痕風雨不剝滅其名紅沫也

香水銀盆看浴時圍紅攪亂小釵枝浮浮花果爭相取

少婦偏尋立棗兒

夢梁錄育子滿月外家以彩畫錢或金銀錢襍果及珠翠鬪角兒食物送其家大展洗兒會煎香湯於銀盆內下洗兒果用色絲繞盆謂之圍盆紅尊等長以金銀釵攪水名曰攪盆釵撒於盆中謂之添盆又盆內有立棗兒少年婦爭取而食之以為生男之徵

三臘移窠過別房銀盆彩蛋與眠羊賓親來慶洗兒會

只少崑山粥米莊

夢梁錄三朝與兒浴膳豕顯七日名一臘十四日名二臘二十一日名三臘女家與親朋俱送膳食又兒浴胎髮畢抱兒遍謝諸親及抱入姆媪房中謂之移窠又育子父母家以銀盆或綵盆盛粟桿一束上簇通草花朶貼五男二女意思及眠羊臥鹿以綵畫帛卷百二十枚及芽兒繡棚衫衣至婿家 齊東野語楊和王第六女事向爭豔一日向妾得男楊以為己出王厚遺其女且撥吳門良田于敵以為粥米今向氏有崑山粥米莊

東禾何必再三將軌革當年亦渺茫獨坐中書書剝字

果然紅日壓無光

老學菴筆記秦會之專國執革中又多三人各持一一束曰秦字也其言亦頗驗及秦氏廢亦無人占得此卦矣 宋稗類鈔乾道中駁放秦墳等科名方集議時中司誤以駁為利眾畏中司護前遂皆書曰剝又謝石折春字謂秦頭太重壓日無光忤檜死於成

秘書省坐狀元憨紅履塲中侈笑談石鼓墨文今在否
裝池碑版付枯蟬

朝野雜記紹興十二年秦申王當國其子熿始冠多士十五季以秦熿提舉秘書省 南宋相眼陸務觀云嘗記先人說紅鞋飾帶始唐莊宗施之優人文昌襪錄滑臺賈昌朝畫像猶黑鞋不知紅鞋起於何時 雲麓湯鈔元祐間有温公帽伊川帽未有巾之名渡江後方著紫衫號為窄衫盡巾中之製有圓頂方頂塲頂琴頂秦伯陽以塲頂服去頂內之重紗謂之四邊淨 石鼓文辯鄭樵模寫其字之可曉者而隨用其見以為之辯南劍州州學以鄭本鈔木給熙辛未有以墨本見示者建康秦丞相家藏本也點畫模糊皆不可讀 甘露園知書秦熿當其父檜執政十九季中無日不煇酒器無日不裱背書畫碑版

空向權門去附名龍圖曾是說端明蘇家骨肉皆零落
悔不闍奴序弟兄

咸淳臨安志紹興元年禮部尚書參知政事龍圖閣直學士賀檜有曰盡室航海還復中州四方傳聞感涕交下漢鮑武節毛盡終止得屬國唐杜甫麻鞋入見乃拜拾遺檜以為憐已大怒 快雪堂生跋宋孫尚書觀尺牘云聞之毘陵人尚書實大蘇公遺體孫老得公棄婢而生畏時禁不能自期而詳其顛末於家乘 朱子語錄梁師成自謂東坡遺腹子待蘇叔黨如親弟兄諭宅庫云蘇學士使萬貫以下不須復 考香祖筆記坡公往陽羨甜村舍見一童子頗聰慧出對向云衡門稚子瑤瑛器童子應聲曰翰苑仙人錦繡腸坡喜之童子即觀也然則遺體之說妄矣 按孫觀字仲益撰鴻慶集四十卷

木陰斜轉月娟娟片紙驚看戴角豸判得棄官何處去
雲中來往前頭僊

夸堅志秦檜下岳飛大理獄同三畏鞠之遇夜間行見古木下一物似豕而角周却步此物徐行至獄傍小祠而隱經數夕復往月甚明又見前怪首有片紙書發字 樵書大理御周三畏不肯勘問岳武穆掛冠而去不知所之後於延安葭州山中有前頭僊人日飲淨水三盃與人論及宋事咸陽冤死仙輒大哭問其姓曰姓周後忽不知其何從而去空中隊名帖三紙書周三畏拜謝乃知前頭僊即周也

佃客當時岳五郎廬山淚血灑松篁獄辭一紙書天日

不願千季姓氏香

宋稗類鈔岳大尉本是韓魏公家佃客每見韓家子弟必拜 學圃遺蘇
初岳飛從戎留妻養母姚氏既而河北淪陷訪求數年不獲俄有自母所
來者寄聲曰為語五郎勉事聖天子無以老嫗為念也飛竊遣人迎之往返
十有八然後歸奉之後宣撫襄陽母死與子雲跣足扶觀歸葬路人無
不涕泣既葬廬於墓側 揮塵錄張唐老自九江來聞岳侯父子伏誅唐
老云去歲在巨廬正觀岳侯葬母儀衛甚盛一僧為言岳葬地雖佳掩
壙之後子孫須有非命者然經數十季再當昌祚 同語錄岳武穆獄
案今在莆陽陳魯公家世本無獄辭但大書天日昭昭天日昭昭八字是
罪案乃是細書與前筆跡不同不知後來如何粘成卷也 竹莊舊藁讀
岳鄂王行實詩一片堂中紙千季身後名

賜來盾樣襲文綈玉軫金徽御墨題不見薦紳稱四絕

曾知閣譜重江西

玉海高宗賜洪皓御銘盾樣琴一上曰古人琴製不同朕製盾樣以示不忘
武備之意 佩楚軒容談端淳薦紳四絕楊嗣翁琴趙文中棋張溫夫
書趙子固畫 清容集琴法述往季錢唐楊司農以雅琴名於時有容三
衢毛敏仲嚴陵徐天民在門下朝夕損益琴理刪潤別為一譜以其所
居曰紫霞名焉自渡江來譜之可改者曰閣譜曰江西譜閣譜由宋太宗
時漸廢至皇祐間復入秘閣今世所藏金石閣畫之精善咸謂閣本蓋

皆昔時秘閣所及而琴有閣譜亦有義也方閣譜行時別譜存於世良
多至大晟樂府定益以閣譜為貴別譜復不得入其學後絕然與時
非入閣本者不得待詔曰江西者由閣而加詳焉 按楊繼字繼翁宣宗
楊后兄次山之孫也号紫霞翁

綠雲深擁御袍黃一枕琉璃清夢長花竹後來誰弛禁

海棠樹樹添天香

松隱集題林中所黃石榴安石榴開花比御衣綉紅繁綠不能奇上林別有嬌
黃中貝如前水綉綉玉肌又禁中荼蘼詩密葉素華青羽披繁香秀色
六銖衣枕間為插琉璃滿清夢 冷冷入翠微 宋元通鑑內侍移竹栽入
內趙鼎見之責曰只識花石之擾皆出汝曹今欲蹈前轍耶因奏其事
帝改容謝又紹興二年禁買花木珍禽臨安諸門不許放入 海棠譜
一卷錢唐陳思微開夢元季自叙云海棠自杜陵絕吟至鄭谷已為舉
似本朝列聖品題海棠畫知羅千古此花誠傳於世余因採集諸家
為一編曰海棠譜

訓唱詩章洵雅嫻窄衣絲履識龍顏五雲玉座傳香遠

射堞前排招箭班

武林遺事孝宗幸玉津園講燕射禮皇太子宰執皆從賜宴上服顏巾
窄衣束帶絲履內侍御帶准弓箭看箭射人喝看御箭教坊樂作射堞前

排立招箭前班皇帝射中太子以下各拜稱賀上賦七言詩丞相以下屬和
又招箭班者服紫衣幘頭叉手立於堦前御箭之來能以幘頭叉勢轉
導入的亦絕技也 松隱集從駕玉津園詩天子行春御六龍五雲回暖
泛晴風和鸞寫寶苑梅花路騰有香傳玉座中 東京夢華錄招箭班
外又一人口銜一銀盃兩有兩手共五隻箭前來則能承之射畢駕歸宴
觀此南渡制度皆承祖制

千秋聖節拜彤宸詔賜餼牲及下臣慶禮常聞南北使

金人擇日作生辰

宋史高宗天申節五月二十一日孝宗會慶節十月二十二日光宗重明節
九月四日寧宗瑞慶節十月十九日理宗天基節正月五日度宗乾會
節四月九日 玉堂雜紀宰執及親王生日預申學士院撰詔書及賜目
一紙祖宗時牲餼外又錫器幣過江後牲餼耳米麵本色羊牛價酒
則臨安醞造加以黃封 周益公年譜七月甲子中使賜生日生餼米麵羊
酒 松漠紀聞金人生日各分占良時粘字以正旦悟室以元夕烏曳馬
以上已國主賈以七夕等 老學菴筆記淳熙已酉金邊帥移文境上白皇
帝生日本是七月今為南朝使臣冒暑不使已權作九月一日

諸生伏闕捲堂歸當路無才愛養違寧遠荒阡寒食候
尚餘草木戀春暉

清夜錄淳祐十二年武學為同舍末館木京尹余太監梅善伯作檢檢揭
帛裂衣暴露露兩日齋眾同太學伏闕上書不報各捲堂散去司業蔡抗
中奏即就出浙江亭呼吏出榜云就擬官會一百萬照甲牌俵散以表
賑卹之意 成化杭州府志宋有寧遠阡葬太學生死而無歸者在方
家峪梯子嶺下國子司業王介撰記

江上風吹羅刹沙九重遙拜護僊查攢宮已建容車出
萬國齊簪白柰花

列朝詩選錢唐江一名羅刹江 聞見錄顯仁太后龍輦將渡會稽上預
恐風濤為礙於宮中默禱清忠廟及篤御既戒浪平如席 揮塵錄紹
興初昭慈聖憲皇后升遐朝論欲建山陵曾公卷以謂帝后陵今存伊洛
復中原即歸附矣宜以攢宮為名 堅瓠集寧德皇后從徽宗蒙塵紹
興五年計音來徽州唐輝使休寧尉陳之茂撰疏文云十年罹難終弗返
乎蒼梧萬國銜冤人盡簪乎白柰

大理埋魂骨已枯復仇九廟獻軍俘拚香棄雪清風鎮
誰寫將軍嘗后圖

宋元通鑑史嵩之遣使以孟珙所獲金哀宗遺骨及寶玉法物并俘囚
等獻於臨安備禮告於太廟藏其骨於大理寺獄庫 癸辛雜志史嵩

之開判湖閩與孟珙合元兵攻蔡州獲亡金守緒殘骸以歸且繪八陵圖以獻見只篇宋人嘗后圖上有題云棄雪拚香無處著這面孔一絲兒是清風鎮的樣子那將軍是報粘罕的孟珙

四海歡聲傳墨本恤刑寬政頌皋陶頻年獄吏宣恩處

青火桁楊享少牢

山堂肆考紹興二年詔以恤刑手詔刑石頌諸郡縣奉使魏良臣曰此人得上親筆恤刑墨本曰恤刑如此民心安得不歸宋史淳熙元年守臣胡與可奏三院獄空上賜墨書獎諭古杭雜記舊傳三歲拜郊或明堂大禮所有在前誤國姦臣首級在大理寺者必以文祭蓋誤傳謂以污穢之物祭之其實乃少牢也其文云國祭于三年因需汝雖誤國然今亦不忘汝之舊特用以祭

今日士師非禾絹申王已見臥書齋滿朝伴拜母多語
還有臺端肉簡牌

困學記聞誠齋為章燾墓銘云今日士師非禾絹士師也宋明帝紀胡母顛專權奏無不可時人語曰禾絹閉眼諾胡母大張案禾絹謂上也蓋謂秦檜頌政士師非主上之士師也山堂肆考宋秦檜初為大學生號秦長脚一日睡於窗下有異人來詣檜語其同舍郎曰他日此人

誤國害民天下同受其禍諸君亦有死其手者劉時舉續資治通鑑自檜當國士大夫之名聲者悉屏之遠方觀委靡不報之徒一言并合即登政府仍止除一廳謂之伴拜稍出一語斥而去之王宗沐續資治通鑑楊愈為中丞迎合檜意以舉劾人號之為肉簡牌

鐵豸班心列諫官滿朝人指滿朝歡一遭白簡書名姓
又使家人製藥丸

王宗沐續資治通鑑章鑑居位號寬名譽與人多許可時目為滿朝歡劉時舉續資治通鑑紹興元年何澹同知貢舉劉光祖除殿中侍御史自上學術邪正之章及奏名被言入院拆卷出同院謂光祖曰何自然見公時上章數目為之恍惚目辨定志丸他可知也

當時深悔和魚須蚤列江西詩派圖齋閣焚香餘研外
煎茶偏自喚昌奴

困學紀聞徐師川以諫議召程致道在西垣封還除書言與中貴人唱和魚須之句為人所傳詩說高宗徐師川贈中貴鄭公諶詩平生不善對策策色色人中自有人漁隱叢話師川因鄭諶而進致身樞府東湖集中與鄭唱酬亦多又呂居仁江西宗派圖推豫章黃山谷為詩祖列陳師道潘大臨謝逸洪芻饒節僧祖可徐俯洪明林敏修洪炎汪革本于錡韓駒李彭晁冲之江端本楊符謝邁夏倪林敏功潘

大觀何顛王直方僧善權二十五人以為法嗣謂源流皆出自豫章也
宋史新編徐俯字師川號東湖七歲能詩為山谷所知以父禱死事受
通直郎邦昌僭位遂致仕工部侍郎何昌言與弟昌辰避邦昌諱皆改名
俯買婢名昌奴客至即呼前驅使之 堯山堂外紀徐師川是山谷外甥
晚年欲自立名客有稱其源自山谷者公讀之不樂答以小故曰浩翁之
妙天下君其問諸水濱斯道之大城中我獨知之濠上案此則師川久已
無涓陽之情矣且藉蘭寺以進身倒行逆施皆晚年之事以邦昌名其婢
頗覺見可嘉特表出之

栖雲花月小坡僊元祐儀型屬後賢天寶遙遙千載事
又從詩酒薦青蓮

山堂肆考宋趙達資州人累遷至中舍高宗以其文章似蘇軾人號為小
東坡有棲雲集行世 歷代臣鑑張浚與趙鼎共政多所引擢從臣朝
列皆一時之望人號為小元祐 清容集跋汪龍溪外制神宗觀詞臣
以翁對全語為高獨龍溪先生痛掃時弊盡復元祐之舊不幸為秦氏
子攬斥 劍南集題跋孝宗一日御華文閣問周益公曰今代詩人亦有
如唐李白者乎益公以放翁對由是人競呼為小李白

虎頭金甲列前高天眷牛車去不停尋得周家姊妹帖
朔風腸斷讀零丁

楓窗小牖靖康已前許中門神多番據戴虎頭冠而王公之門至以渾金飾
之識者謂虎頭男金飾便是金人在門也 弔伐錄太上皇太上皇后鄭
氏至金營諸王嬪御以下畢至親王二十八人帝姬一十五人皇太子一人諸
王男女一十六人 三朝北盟會編金人遷天眷於通塞州去燕山府一千五百
里給田十五頃令種蔣以自養 經濟類編上皇離青城金人以牛車數百
乘載諸王後宮皆金人牽駕不通華言 放翁題跋周侍郎尋姊妹帖方
建炎多故羣盜如林士大夫罹禍有盡室不知存亡者觀周公所書可為流
涕 案東漢戴良有尋父零丁即今尋人帖子也

八罪彈章上玉階盲翁負鼓唱荆釵梅溪先生笑元辰命
曾憶無衣臥學齋

王宗沐續資治通鑑侍御史王十朋論史浩懷姙候國等八罪遂罷浩知
總與府 天祿識餘王蓮王梅溪先生十朋之女 浩上與梅溪
為友教尚風誦先生勅史浩八罪汝權實德忠之史氏所取切齒遂安作
荆釵傳奇認其事以鏡之 升菴外集酒說友宋安撫使今傳奇王
十朋有此人說為錢 餘姚許浩賦荆釵百詠 鞠波叢話王十朋云術
者謂子命犯元辰故仕輒已子笑曰有是哉戲作問答語又王十朋寓
居臨安偶值乍寒諸生有陳元佐劉士宗各借以衣童生謝偉謝侃齋
以衾因作二詩以贈 案王十朋字龜齋梅溪奏議三卷 史緯陳
之茂嘗毀浩浩擬之茂進職上曰卿以德報怨耶浩曰臣不知有怨若以
為怨而以德報之是有心也莫濟詆浩尤甚浩薦濟掌內制上曰濟非

議卿者乎浩曰臣不敢私害人按史載史浩寬厚如此荆釵之作果何為耶

禪牀夜午春生夢書閣燈青月覆香一種痴情何處是風流都入選優場

古今女史宋女貞觀陳妙常尼年二十餘姿色出羣詩文俊雅工音律張于湖授臨江公宿女貞觀見妙常以詞調之妙常亦以詞拒詞載名媛瑣囊後與于湖故人潘法成私通情洽潘密告于湖以計斷為夫婦即俗傳玉簪記是也 警心錄陳淳祖為賈似道之客守正為諸客所疾內人亦惡之一日諸姬爭寵密竊一姬鞵藏淳祖林下意欲并中二人也賈入齋見之心疑焉夜驅此姬至齋門誘之淳祖不答繼以大怒賈方知其無他遂勸諸姬得其情由是極其淳祖後遂有知南安軍之命金元院本演其事

一餅清甌雪點初晚香和月入簾疎空傳舊樣紅綾袋
貢錄先將小鳳除

咸淳臨安志周必大賜筆記次韻詩天香謾炷薰常歎貢茗虛露樣頓殊晨壁搖風愁幕冷夜窗透月喜簾疎詩雖賜香而火禁甚嚴不許炷爐諸位總賜茶三百斤舊每斤即一紅綾袋凡十餘團今乃給黃袋拆而分之以一餅為一斤殆典吏移易也 北苑茶錄先人作茶錄當貢

品極勝之時凡有四千餘色紹興戊寅充攝事北苑關近所貢皆仍舊其先後之序惟躋龍團勝雪於白茶之上及無與國岩小龍小鳳蓋建炎南渡有百罷貢三之一而省去之也 五襍組茗有片有散片者即龍團舊法散者則不蒸而乾之如今之茶也始知南渡之後茶漸以不蒸為貴矣
丞相生辰駙使開四方車馬已紛紛湯誇天慶觀中列不及高家九錫文

續資治通鑑韓侂胄却生日賀儀仰奏官備行關報時士大夫或獻紅錦壁衣承塵地衣之屬修廣高下皆與中堂等有獻紅牙果卓正珠塔檣過生日大臣以下皆排列所獻於天慶觀之廡下都人競往觀焉 談薈韓侂胄生日高似孫獻詩九章每章用一錫字以寓九錫

呵殿歸來報舉觴迎門三十六鴛鴦南園又有閒風月
蚤逐笙歌過別房

王宗沐續資治通鑑韓侂胄愛妾張譚王陳四人皆知郡夫人 丹鉛錄寧宗時武學生華岳池州人上書極論韓侂胄之惡并詆程松之納妾倪俱售妹蘇師旦獻妻書奏侂胄大怒下之大理貶建寧園土中死於獄近觀歷代名臣奏議可謂詳矣而岳奏不在其中故表出之

夜半中宮調虎符軟纏能敵鐵鞭無九重尚放追回淚

去國誰憐趙汝愚

四朝聞見錄虎符半在禁中半在殿巖開禧間慈明陰贊寧皇誅侂胄出御批授錢象祖象祖授殿岩夏震震遣其帳下鄭發王斌邀韓車於六部橋徑出玉津園夾牆韓身裹軟纒用鐵鞭中韓陰乃死地名磨刀坑又寧皇時聞韓出玉津園亟用牋批殿司前往追回韓太師慈明持牋泣且對上云若欲追回他我請先死寧皇投淚而止宋史建炎改鑄虎符樞密院主之其制刺篆中分說纂趙汝愚橫遭謫去國之日天為雨血京城人以盆盃貯之色殷然宋史本傳史彌遠錢象祖等赴延和殿以強侂胄聞帝不之信越三日帝猶謂其未死蓋是謀悉出中宮帝初不知也

行間江南孰自謀私財官物已都休出師不草當時詔伴簡何來雙鬪髀

私簡錄金購得侂胄族人韓元靚使行間於宋送令渡淮宋督府丘密奏之宋方欲盟即遣密護元靚此歸因密諭密使歸罪邊將以請和四朝聞見錄開禧兵端既啓國用湯虛侂胄上表自謂家藏先朝錫子金器六千兩上之寧皇優詔充其請天下笑韓之欺君筆塵韓侂胄出師數旬自悔失圖私出家財二十萬以助軍興而募人持書赴金求和然竟不免於死

院蓋藉其名便草出師詔也正則喻其意堅辭三四於是用李璣之宋元通鑑嘉定元年王紳以韓侂胄首蘇師且自至金金主環御應天門備黃麾立仗受之百官上表稱賀懸二首并畫像於通衢令百姓縱觀然後漆其首藏於軍器庫遂命完顏匡等罷兵

袈裟偏袒醉醺醺多少山靈奉事殺不引紅粧看花棒

風流傳得起棺文

靈隱志道濟侍者台州李子氏子初參暹堂知非常僧然飲酒食肉有若風狂監寺不能容暹堂云法門廣大豈不容一顛僧人遂不敢言及遠公既寂出居淨慈在本山有化砌靈隱至錢唐門街道疏淨慈寺志神運井在香積廟內泉極甘冽皎焉沖照其下縱廣約二丈餘窟深悽魂內外引汲不竭嘉定時有六甲神常協僧道濟運木於此故云相傳其跡與江水通又名通江又濟顛常為陶師兒作起棺文下火文古杭雜記杭州市肆有喪之家命僧為佛事必請親戚婦人觀看主母則帶養孀隨從養孀首問來請者曰有和尚弄花棒鼓否而請者曰有則養孀爭首前去花棒鼓者謂每舉法事則一僧三四樣鼓輪轉拋弄諸婦女親觀之以為樂案陶師兒事已詳第四卷中茲不多列

封章誰道左司賢獨秉鈞衡十七年癡漢滿朝緣底事

金人歲歲問胡銓

甘露園短書胡澹菴上高宗封事是范左司瘡作范擬上澹菴慮其親老禍且不測取以為己意上之非澹菴筆也今人知有澹菴而不知有范瘡范瘡之不幸耳 昨非黃日纂紹興末朝士多饒州人時人語曰諸公不是癡漢 宋裨類鈔乾道初命使來猶問胡銓今安在張魏公曰秦檜持柄十九年只成就得一個胡邦衡 考談薈宋申王檜以紹興八年右僕射同平章事再擅政進少保太師以二十七季姐凡十七季案胡銓撰忠簡奏議四卷

得遇天家畢骨董虛將薰漆供郊園金龜已苦多尸氣

彝鼎輸他列死軒

三朝北盟會編畢良史字少董以買賣古器書畫赴行在思陵方搜訪古玩恨未有辨其正偽者得良史甚悅月給俸二百千而良史滿門時號貧孟嘗後權知東明縣搜求古器書畫復載以達行在入又號之畢骨董 紫桃軒雜綴古鼎彝皆黃銅今人得之地中者歲久色變自應爾今郊廟所製乃用藥薰漆作蒼黑此何理然則藥燒銅物已起於宋矣 癸辛雜志京定中向若水墓為賊所劫其棺上為一榻盡貯平日所受法書名畫時董正翁得其蘭亭一卷正定武刻也後有名士跋語甚多其精神炯炯透出紙外正翁極珍之然尸

氣所侵其臭殆不可近或教以檀香自能去尸氣遂作檀香函貯之然付之庸工裝潢頗為裁損所謂金龜八字云 研北雜志畢少董命所居之室曰死軒凡所服用皆上古壙中之物玉如彼含蟬是也

煙飛小朶斲雲根梅子青青客打門詩酒四時春萬樹

紅亭却建別家園

太平清話范石湖小峨嶺靈壁石也煙江疊嶂太湖石也天柱峰英石也皆歸休時間玩 語林范至能喜啖梅人嘗致一斛盒至能食之須臾而盡 酒小史范至能有萬里春酒 四部彙考范至能有雲霞酒 弘簡錄張說乾道七季除簽書樞密院事朝論不平中書舍人范成大不州詞說罷為奉祠說語人曰范至能亦胡為見攻指所坐亭曰是材植皆致能所惠 案范至能撰石湖集

錦官先進牡丹衾分賜宮袍出上林象尺薰爐寒夜水

文牕深度美人鍼

文獻通考乾道二季戶部言左藏東西庫每歲所賜賜袍親王宰執以全匹餘裁裂衣給之請皆照以全匹上從之又賜窄錦袍有翠毛宜男雲雁細錦獅子練鵲寶照大錦寶照中錦凡七等應給賜袍者皆五件次四件次三件次二件 淳熙玉堂雜記十月朔賜錦襖子學士院

四金鵬尚書八塔暈錦宰臣使相天下樂 蜀瑞譜建炎三年始織造
 錦綾被褥乾道四年即舊廉訪司潔己堂翻錦院有上貢錦官誥錦
 細色錦等其名有八塔暈 盤球 珠四金鵬 水林檎 翠地獅子
 天下樂 大窠獅子 大窠馬 雙窠雲雁 宜男百花 瑞草雲鶴
 如意牡丹 穿花鳳 正紅雪花珠露 大百花孔雀 六金魚 紫
 阜段子 聚八德 天馬 飛魚 正紅大被褥 阜大被褥 青大被
 褥 四色中被 緋大被 正紅雙連椅背 正紅單椅背 輟耕錄高
 宗渡江後權場購求為多錦標如克絲樓閣 克絲籠水 克絲百花攢
 龍 克絲龍鳳 紫寶階地紫大花 五色簾文 小摘珠方勝鸞鵲
 青綠簾文 紫鸞鵲 百花龍 龜紋 珠燄 紫曲水 紫荷花 紅
 霞雲鸞 黃霞雲鸞 一名絳霄 青樓閣 青大落花 紫摘珠龍團
 青櫻桃 阜方團白花 褐方團白花 方勝盤象 珠路 袖 柿紅
 龜背 檉蒲 宜男 寶照 龜蓮 天下樂 練鵲 綬帶 瑞草
 八花暈 銀鈎暈 細花盤鵲 翠色獅子 盤球 水藻戲魚 遍地
 襟花 遍地翔鸞 遍地芙蓉 七寶金龍 倒傑牡丹 白蛇龜紋
 黃地碧牡丹方勝 輟耕錄一條屬君太鴻第六卷錦標裝池一首註也
 今所謂宋錦者其名色蓋詳於南渡行都矣向註偶略因錄於此

宸書曾為擬汾陽勲業准西亦可方一字裏巾一把雪
 慚無秦蜀入封疆

山堂考索高宗御書郭子儀傳賜韓世忠又書裴度傳賜張浚 三朝
 北盟會編韓世忠既罷兵柄為樞密使乃製一字巾入都堂則裏之出則
 以親兵自衛檜頗不喜 韓蘄王神道碑王在軍中獨馳騎馬使一把雪
 執信字旗一把雪者其兵之曹號也趙捷善走之人也 王庶家傳公為
 兵部侍郎對殿口陳手畫秦蜀形勝利害上大喜之

翠翹筆底散天葩 豔豔芳容暈曉霞
 燐燐影中二十二 杏紅箋上寫春華

焦氏說塔翠翹洪內翰侍人題畫竹云翠翹戲筆字畫婉媚程大昌題詩
 戲作風枝斜再惱玉堂宿 異聞總錄臨安倡女儀二十一名珥頗慧
 悟能立成詩詞予於席間與紙筆即賦詞大略美吾兄弟有鄱江英氣
 鍾三秀之句

千秋廟貌錦江濱 獻助謀猷四木君
 可惜月湖佳子弟 空傳遺墨號昇聞

續成都記武侯祠壁間小碑上鐫繪像衣冠甚古雅題云丁黼字
 文伯石壕人也宋嘉定初進士有詩名以竹史彌遠出帥成都元入蜀
 公不屈死之詔謚恭愍賜廟號漢有司春秋祀 瀛奎律髓成都大守
 自國朝以來至今皆畫像云 王宗沐續資治通鑑薛極與胡桀聶子

述趙汝述附史彌遠最親用事時人謂之四木 清河書畫舫史守之越國
公浩之孫衛王彌遠之姪仕終朝奉大夫中年避勢遠嫌退居月湖
莆田集史守之退處月湖與慈湖諸公講肄為樂寧宗書碧池二字賜
之 太子清話宋史守之心非叔父彌遠所為著昇聞錄以寓規諫

九市官街新築成青裙敗婦步盈盈三更歌笑明燈火

巡檢傳呼出御營

渭南集九都城橋梁道路皆包道成力治之費至緡錢百餘萬 續
文獻通考宋理宗嘉禧中臣寮言蔬菜魚肉日用所須販夫敗婦所
資錐刀以營升斗若皆以官價強取之終日營營錢本乾沒 華谷集
詩天上歸來打六更夢回搔首正曹騰玉霜初三三更月絳綵猶明九
市燈聲徹銅魚催勸箭影斜金雀在酥稜帝鄉東望重回首佳氣何
時到五陵 學詩初稟天街夜步詩風不停雲月更清千門繡幕笑
歌聲御營巡檢無拘束走馬天街夜達明

賜來金白耀街衢百藥無如用呪符佛佛不知煩惱界

才辭禁藥即鄴都

船窗夜話孝宗嘗患痢德壽憂之過宮偶見小藥局遣使宣之至語
以食湖蟹多故至此醫曰此冷痢也用新米藕節以熱酒調服數服而

愈德壽乃大喜以金杵白賜之乃命以官至今呼為金杵白嚴防禦家
靈隱志天醫波利多乃天醫菩提化身淳熙間居飛來峰 山堂肆
考杭州慈聖院有呂公池宋乾道間高僧能取池水呪之以施病者輒愈号
聖水池 遂昌雜錄馬都錄者號靜齋以道法際遇度宗賈平章以
海味進謝后嚼之泄瀉不止馬進符水飲之而愈因言曰臣上告佛佛繼
今他人進飲食不可造次供御言出賈已知之甫出禁門即下臨安府獄
面刺雙旗押付鄴都寨

歲寒亭外過西邨橫幅窗開坐小軒半樹梅花流水上

酒標挑出竹籬門

遂昌雜錄孤山之陰一亭在高阜上曰歲寒繚亭皆古梅亭下臨水曰挹
翠閣皆斗拱砌成極為宏麗蓋虛董兩齋以內府錢建西太乙宮又能以
其餘資建兩閣可謂能事 又寶籙山下西為善住閣其間有山中四時小
牕橫幅安樂窩之類其結構皆明敞可喜稍西陟為江湖偉觀 武林
舊事孤山有西冷橋又名西村 按采異聞錄都城酒肆皆揭大帘於外
以青白布數幅為之或掛餅餌常行時人多詠於詩

才到綸扉捧賜金茅檐曾憶淚雙淋紫衣中貴宣丞相

玉海金祥請點心

夢占類考趙雄微時最貧母在無以卒歲夫婦對泣次日掃除拾銀一錠重二十五兩由此稍活後入相例賜白銀百錠既受而缺一錠將以詰守藏吏夢左藏庫神告曰某年月日已先借用一錠覺而憶正掃除得銀之月日也吹劍錄孝宗詔每日常朝不必宣宰相名趙雄奏君前臣名禮也上曰蘇洵嘗言名呼而進退之非所以禮貌大臣丞相不必辭宋稗類鈔趙溫叔丞相阜陵素喜之且聞其善數數倍常人曾史忠惠進玉海容酒三升一日問曰朕作點心相請命中貴捧玉海賜酒至六七繼以金祥捧籠炊百枚遂食盡上為之一笑

食經珍品過堂厨忘却家鄉枿數株書画悅生別錄上空存屈角印葫蘆

貴耳錄天台桐草遠致色味必變乃併桐木致之賈相供饌又賈師憲喜若溪鱸魚趙與可造大盤養魚千頭作機使灌輸不停魚游泳自得數舟上下滌運不絕始豐稟賈氏族譜天台賈氏在宋為嚴威余少在鄉里所聞而知者惟知漢州之奇有遺惠在鄉里蜀多美椒漢州解官歸攜其種時之其味辛烈不減蜀產至今人稱漢州椒云由漢州而下皆仕宋有階至承議郎承節郎者而其別出之族有確旄二鎮乘鈞兩朝者蓋甚顯矣云云清河書畫舫賈似道留心書畫家藏名蹟多至千卷其宣和紹興秘府故物往往乞請得之其名蹟標題見於悅生別錄又賈師憲所藏書畫皆有古玉一字印相傳是封字又謂之屈角封乃長字也印大將及二寸其篆法用李陽冰新意盤屈成文

前無此體當是唐時所作又有悅生葫蘆印悅生賈堂名也古今法書苑神仙起居注思陵故物標紋上有曲腳封并悅生葫蘆印蓋似道柄國時御府珍秘多歸私家

泉布行都已號繁一時交鈔又番番鏹牌尚寫臨安府官券何來天市垣

錢譜高宗建炎通寶 建炎元寶 建炎重寶 紹興元寶 紹興通寶 孝宗隆興通寶 乾道元寶 淳熙元寶 光宗紹熙元寶 寧宗慶元通寶 嘉泰元寶 開禧元寶 開禧通寶 嘉定元寶 理宗大宋通寶 紹定通寶 端平元寶 端平通寶 嘉熙元寶 淳祐元寶 寶祐元寶 開慶元寶 景定元寶 度宗咸淳元寶 少帝德祐元寶 宋史紹興二十八年七月己卯命取公私銅器悉付鑄錢司民間不輸者非之 元史劉宣言交鈔所起宋紹興初軍餉不繼造此以誘商旅為沿邊糴買之計 至正直記宋季銅鏹牌長二寸有奇闊二寸大小各不同皆鑄臨安府三字而鑄錢貫文曰壹伯之等之類額有小窳貫以致遠最便於民近有人取為鑰匙牌者亦罕得矣 二老堂雜志近歲用會子特官券耳不知何人目為楮幣遂入殿試御題若正言之猶紙錢也乃以為文何耶 槎菴小乘臨安天市垣耳宋高宗南遷建都於此

家筵靜看無聲樂別館爭排鎮宅錢練得桃花繡甲隊

義兒相送上江船

三朝北明會編醫官王繼先於宅倚初一別館畜臨安名妓劉榮奴其子悅道則畜金時時父子聚應令妓女時作歌舞聞淵聖升遐乃令妓女舞而不歌舉手頓足為戲名為啞樂於湖州舊館別初大第自都下載見錢二十萬買前住排捺謂之鎮宅錢 又陰養無賴惡少五百人置桃花甲竹槍牌棒及刀劍等日夕訓練為殿中侍御史杜莘上言令編管福建居住子孫並勒停 中興遺史張俊撫諭楚州王勝為中軍統制或謂勝欲殺俊俊以事責勝送建康軍中自效俊罷樞密勝潛至行在見韓世忠世忠具宴招醫師王繼先飲酒行世忠出勝拜繼先為父繼先見上言勝可大用遂有都統制之命王勝又名王黑龍 林泉野記王進為張俊帳下提轄專背印隨行軍中呼為背印王至是除御前諸軍都統制進不恤士卒惟厚結王繼先及內侍以久權士卒皆不喜之

涼水摩崖孰與詳吳山故牒閱星霜傳來翠墨人休笑多少遺文在汴梁

曝書亭集誦壑菴觀磨崖隸書家人卦考葉紹翁四朝聞見錄吳自牧夢梁錄皆云石壁刊字出司馬溫公筆獨周密謂是唐人遺蹟後人于石旁刊右司馬溫公書六字其字非也家有宋鑑稱紹興六年十一月庚辰上諭大臣曰司馬光隸字正似漢人朕有五卷日夕置座右所書

乃中庸與家人卦皆修身治國之道不特玩其字而已今磨崖所刊家人卦後襟以樂記篇禮樂不可斯須去身至舉而措之百九十二言中庸道不遠人至無入而不自得焉百九十七言合于宋鑑所載當是諸大臣間思陵面諭請刊於石者此王參洵詩有云涼水垂碑半綠苔春遊誰向此山來也 拊掌錄紹興九年金歸我河南地商賈攜長安秦漢碑刻求售於士大夫王錫老得一碑無一字可辨王獨稱賞不已客曰此何代碑王不能答客曰某知之是名沒字碑也一笑而散 三茅寧壽觀石刻牒紹興二十年六月勅臨安府三茅堂可賜寧壽觀為額故牒

聖經賢史帝王資歲歲尋求詔有司試看獻書皆賜祿

莫教攔駕進歌詩

山堂肆考高宗渡江獻書有賞或官有家藏者命抵家就錄有嚮者即市之 朝野雜記乾道初有衢州進士毛日新者以上書補文學 宋元通鑑咸淳十年饒州布衣董聲應進諸史等蔡約兵鑑刑鑑詔充史館編校文字 南宋相眼駕過德壽宮回有台州進士宗汝夫余宋臣編素在望仙橋攔駕為後進二黃冊文字為街司所驅駕過呼不已臨安尹為繼進乃萬世如見集其前太上慶壽歌頌其後乃追思上仙之辭刺板模印有百令毀校押出界

從來解額出前廊風雨青燈汲古堂聞道方州舉貢士

等間香酒禱皮場

朱子大全文集今以遂州新定解額之半而又析其半為德行科明立
所舉德行之目的註云如解額百人則以二十五人為德行科須溪記鈔
汲古堂宋公子諸生國學之堂名也堂有井故名德祐鼎遷堂廢字亦
燬矣成化杭州府志宋貢院在錢唐門外王家橋試一郡之士謂之方
州貢士燕翼貽謀錄汴京試禮部者禱於二相廟二相者子游子夏
也二子不知何以稱相今行都試士皆德於皮場廟不知士人之禱起
於何時皮場乃皮剝之所也案廟在萬壽觀之晨華館與貢院為鄰

上人心折龍洲友湖海詩名姓氏芳並枕朱絲絃已斷

老娼休唱賀新郎

名蹟錄辛稼軒印曰六十一上人蓋破其姓文也鐵崖集龍洲劉公墓
表先生名適字改之廬陵人宋以詩俠名湖海間陳亮陸游辛棄疾
世稱人豪皆折氣岸與之交至相周必大欲客之門下不就公常抗疏
先宗請過宮屢與時相陳恢復方略謂中原可一鼓而取詞苑叢
談劉改之淳熙甲午預秋薦赴省試到建昌二更後有美人執拍來唱
一曲侑酒云別酒未斟心已醉忍聽陽關辭故里揚鞭勒馬到皇都三
題盡當際會穩跳龍門三級水天意令吾先送喜不審君侯知得未
豈博識譽桐聲君抱負却如是酒滿金盃來勸你劉與之偕至臨安果

擢第道士熊若水謂之曰隨車孃子非人也今夕茲枕吾於門外作法
君當際抱之勿令靈逸劉如所戒乃擁一琴耳龍洲詞賀新郎自
跋云去季秋余試牒四明賦贈老娼至今天下與禁中皆歌之

敝衣蟲垢去邊陲九廟神靈已建基迎得鸞輿快活地
龍綃收淚定歌詩

山堂肆考宋道君北狩至五國城衣上見蟲呼為琵琶蟲以其形似琵琶也
弘簡錄洪皓居燕十五年會金大赦得還見秦檜語連日不止因迹金
人言景靈宮太廟土木以為無意中原檜不憚三朝北盟會編初皇太
后與喬貴妃相叙為姊妹而貴妃先遭選遂薦太后亦得幸後北狩二人
皆從及金人欲還太后也貴妃舉酒送行勸太后曰姊妹此歸見兒即為
皇太后矣宜善自保重姊妹永無還期當死於此太后慟哭貴妃亦哭又
曰姊妹到快活處莫忘了此中不快活太后曰不該忘今日太后慟不止天
眷在旁者皆哭太后自清河而下又車駕如臨平奉迎太后上入幄朝
見宰臣及文武百官班幄外起居如儀上初瞻慈容喜深感極淚溼龍綃
衛軍歡聲動天地太后進宮滿城士庶夾道箚觀皆以手加額太后入居
於慈寧殿文武百官上表稱賀亦有獻賦頌雅歌稱美聖德者令中書
舍人程敦信第其高下敦信以建昌軍進士章藻為第一知正州張日為
第二進士陸渙為第三昌特轉一官進士免文解一次

虹光朗射天垂象鼎峙形成淮作邊送客津亭留不住
一心何願頌三千

劉崇萬言書今年立春雷震大雪白虹貫日錢唐之地實天示象不可不修德以儆之 吳仲萬言書兩國之勢未解鼎峙之形已分莫視疆場為太輕莫任籓籬之太易 竊讀錄上皇在北遇阿計替出片紙上書給與二字示之曰此南朝新改季號以准為界矣 趙丞相行狀公以和議不協罷相出守紹興首途之日秦檜乞備禮餞於津亭公相揖即登舟檜曰得百錢送公曰議已不合何留之有即叱舟師離岸而去 格齋四六賀壽皇云心一片三千願紀嘉名於盛際我百爾九十益申景命於前規用成詔最切洽

湯彈雙韻唱如如簫鼓元宵擁繡裾好坐嘯臺恣雅博
莫因家學註蟲魚

癸辛雜志銀花高文虎婢善小唱五百餘曲又善雙韻彈五六十套以元宵時近點燈乘因取古人詩句有銀花垂院榜又銀花無奈冷等句為名時高已近七旬喪偶多年買此以侍湯藥後攜歸越 四朝聞見錄高疎寮居近城因城墮石曰南麓麓後高數級登及於墮氣泄之以管涔涼環珮聲入方池池方四五尺畫三三於扁自麓之後登城為嘯臺 吹劍錄高內翰文虎作西湖放生池記以鳥獸魚鱉咸若作鳥事其子疎寮作筆略以

林和靖草泥行郭索作杜詩父子皆為博學強記所誤

空題御墨金纏幹不見軍容黑大蟲一等英雄沙州外
墓門殘碣臥松風

三朝北明會編李寶興仁府乘氏人也少無賴號為發李敗金人於渤海廟 錫林玉露上書忠勇李寶興四字於金纏幹上賜焉 齊東野語再遇慶遠李寶興將軍號黑大蟲獨主翁能御之既死以鐵釘羈之偶聞金鼓聲長嘶斷絙而出健卒十餘號歸云將軍已死汝莫生事焉 晉耳 汪然出第長鳴數聲而死 萬曆杭州府志武義大夫畢進子武信軍節度使再遇墓並在西溪進賢州人建炎間轉江淮積贊武義大夫再遇以恩補官屢有戰功擢至武信軍節度使卒年七十贈太師諡忠毅 案志山埠內有李忠勇公神道碑其墓在焉郡邑諸志皆不載

狀元局內士無雙單騎欣然犯敵幢一自明因辭國去
人傳劉洪在清江

文山全集舊例三魁唱名罷賜袍笏謝恩入幕賜御饌進謝恩詩出賜席帽於闕門上馬迎入期集所又名狀元局官給錢物供帳阜隸等於此聚同年待賓各刊題名小錄賜聞喜宴進謝宴詩如此者一月然後率榜下士詣闕謝恩謂之門謝門謝後授初階狀元授承事郎簽書某軍

節度判官廳事至後一科放進士榜則前一科狀元名入為秘書省正字名曰對花名又公平生皆家亦以其危險制勝奇絕者命名自玉屠金鼎至車騎見敵為四十局勢圖悉識其出處始末玉屠金鼎宋元通鑑德祐二年命文天祥同吳堅謝堂賈餘慶使元軍見伯顏於明因寺伯顏留公不遣回又文天祥至鎮江與其客杜澣等十二人夜上天祥乃變姓名為清江劉洪東入海道又公于寶祐四年廷試第一案明因寺臨平鎮尼刹也案癸辛雜志狀元局在祥符年

金隄宵宵海波頽祝拜宮中香未灰笳鼓滿城馳鐵騎伯顏江上看潮回

山都遺彙題宋宮觀潮圖金隄既成事已非錢唐江上開皇畿離闕玉隄照東海貪看秋潮忘黍離中原不復民易主百萬緜緜宿沙濱倚樓望朝潮不來六帝同歸一丘土輟耕錄元將伯顏遣人入臨安駐兵錢唐江沙上太皇太后望祝曰海若有靈使波濤大作一洗而空之潮竟三日不至宋元通鑑三月伯顏自湖州入臨安城建大將旗鼓率左右翼萬戶巡城觀潮於浙江又登獅子峯觀臨安形勝雲蕩濛濛墨杭湖三日不至人謂天佑元與然伯顏英雄豈有不知錢江如山之濤宿兵其地宋之叛將降卒充物其幕自詭効忠豈不諫止濤之不至事或有之元兵必不駐此傳者文以為奇史臣龍表之耳

遊北傳聞皆丙子渡江天意屬庚申酒人祇愛梅花好踏遍孤山不計春

兩鈔摘腴宋少帝丙子三月北遊視聽抄宋少帝辛未九月二十八日申時生甲戌正月十一日登位號天瑞節丙子三月十七日北遊宋高祖劉裕丁亥生庚申即位國號宋丙子侍李王後丙子大元渡江國亡庚申帝史外庚申即位國號宋先丙子侍李王後丙子大元渡江國亡庚申帝史外聞見錄瀛國公初為僧居白塔寺中已而奉詔居甘州山寺有趙王者嬉游至寺憐其老且孤留一回回女子與之延祐七年四月十六夜生一子明宗適自北方來蚤行見寺上有龍文五采氣即物色得之因求為子并載其母以歸甘露園題書順帝即瀛國公稱合尊時所生之子元世祖以庚申立十五年而取宋順帝即以庚申生十三年而取元又初文宗欲立順帝為皇太子順帝乳母言非帝子又言明宗亦自謂非其子遂謫居清江一詞紀事續鈔劉靜修開元伐宋乃賦渡江題梅曰西風吹落戰塵沙夢想西湖處士家曰恐江南春成猶夫賦也案庚申帝史外聞見錄權衡撰叙元順帝三十六年在位事謂之庚申帝者微詞也案通鑑博論寧王奉太祖詔編次直書為瀛國外婦之子綿延宋末六更之識果其然與

南宋禱事詩卷一

南宋禱事詩卷一

嘉善劉子端手錄
武林芥齋摹鐫

